


DS  
735  
A2K86  
177/a  
V. 4







御批歷代通鑑輯覽卷之五

周

襄王

己卯十年春正月宋公曹伯衛人邾人伐齊夏五月宋師及

齊師戰于虧

齊地在今山東濟南府歷城縣

齊師敗績

宋公以諸侯伐齊納子昭齊人殺無虧將立子昭不勝

四公子之徒遂與宋人戰宋敗齊師于虧立子昭是為孝公

而還

史記齊桓公子十有餘人其立者五人無詭立三

鄭伯朝于楚

此鄭朝楚之始

楚子賜之金既而悔之與之盟曰無以鑄兵故以鑄三

鐘

楚賜鄭金而以無鑄兵為盟事甚迂誕天下產金之地獨一楚乎無怪乎秦始



皇祖其術而欲盡收兵  
器也左氏浮誇于此類可  
見一斑

庚辰

十有一年夏六月宋公曹人邾人盟于曹南

曹之南邾宋襄公始

圖霸

鄫子會盟于邾邾人執而用之

宋人執滕子嬰齊宣公

使邾人用鄫子于次睢之社

後漢

書郡國志琅邪國臨沂有叢亭注縣東有大叢社民謂之食人社即次睢之社

臨沂今山東沂州府蘭山縣

欲以屬東夷司馬子魚曰古者六畜

爾雅釋畜馬牛羊犬豕雞謂之六畜

不相為用小事不用大牲而况敢用人乎祭祀以為人

也民神之主也用人其誰享之齊桓存三亡國

魯衛邢以

屬諸侯義士猶曰薄德今一會而虐二國之君又用諸

淫昏之鬼將以求霸不亦難乎秋宋人圍曹討不服也

曹南之盟曹不修地主之禮

冬陳人魯人蔡人楚人鄭人盟于齊

齊盟始與



陳侯請修好于諸侯。以無忘齊桓公之德。盟于齊。修桓公之好也。

梁亡。

梁注見前。公羊傳。梁亡何。梁自亡也。其自亡奈何。魚爛而亡也。何休曰。著其自亡。狀若魚爛。

梁君立法。一家犯罪。四家坐之。一國之中。無不被刑者。

百姓一旦相率俱去。梁遂亡。

左傳。梁伯亟城而不處。民

乃溝公宮。曰。秦將襲我。民懼而潰。秦遂取梁。與公羊傳異。今並存之。

壬午

十有三年。春。宋人。齊人。楚人。盟于鹿上。

左傳注。鹿上。汝

鹿廢縣。在今江南。潁州府。阜陽縣南。

宋公欲合諸侯。魯臧孫辰

諡文仲。哀伯孫。

聞之曰。以欲從人。則

可以人從欲。鮮濟。于是宋人爲鹿上之盟。以求諸侯于

楚。楚人許之。子魚曰。小國爭盟。禍也。宋其亡乎。幸而後



敗。

秋。宋公。楚子。陳侯。蔡侯。

哀侯孫莊公甲午。

鄭伯。許男。曹伯。會于孟。

今河南歸德府睢州孟亭是。

執宋公以伐宋。

趙氏匡曰。此楚執耳。其以諸侯執之之辭何。譏諸侯也。

冬。十有二月。諸侯盟于薄。

即薄縣故城。注見前。

釋宋公。

諸侯會于孟。子魚曰。禍其在此乎。君欲已甚。其何以堪。

之。于是楚執宋公以伐宋。冬。會于薄以釋之。

公羊傳。宋公與楚子

期。以乘車之會。公子目夷曰。楚強而無義。請君以兵車之會往。公曰。吾與之約。自我爲之。自我墮之。不可。終以乘車之會往。楚人果伏兵車。執宋公以伐宋。宋公謂目夷曰。子歸守國矣。國子之國也。曰夷于是歸設守城。楚人謂宋人曰。不與我國。吾將殺子君。宋人曰。賴社稷之靈。國已有君矣。楚人知雖殺宋公。猶不得宋國。于是釋宋公。公走之衛。目夷復曰。國爲君守之。君曷爲不入。逆公歸。

癸未。

十有四年。秋。秦晉遷陸渾之戎于伊川。

允姓之戎。居于瓜州。陸渾其別



愚而好自用者莫如宋襄  
其道古論今不值一噓宜  
乎子魚直斥之而彼尚不  
知羞也

部也在秦晉西北。二國誘而徙之伊川。其後遂從戎號為  
陸渾縣。今陸渾故城在河南河南府嵩縣。其西有伏流坂。  
為伊水伏流處。即伊川也。

初平王之東遷也。辛有

虞董父之裔。其後為董氏。

適伊川見被髮而

祭于野者。曰。不及百年。此其戎乎。其禮先亡矣。是年秋。

秦晉遷陸渾之戎于伊川。

冬。十有一月。宋公及楚人戰于泓。

水名。在今河南歸德府柘城縣。渙水支流。

宋

師敗績。

鄭伯如楚。宋公伐鄭。楚人伐宋以救鄭。宋公及楚人戰

于泓。宋人既成列。楚人未既濟。司馬子魚請擊之。公曰。

不可。既濟而未成列。又以告。公曰。未可。既陳而後擊之。

宋師敗績。公傷股。門官殲焉。

門官守門者。師行則在君左右。

國人皆咎



公。公曰。君子不重傷。不禽二毛。古之爲軍也。不以阻隘也。寡人雖亡國之餘。不鼓不成列。子魚曰。君未知戰。勅敵之人。隘而不列。天贊我也。阻而鼓之。不亦可乎。且今之勅者。皆吾敵也。雖及胡者。獲則取之。何有于二毛。明恥教戰。求殺敵也。傷未及死。如何勿重。三軍以利用也。金鼓以聲氣也。利而用之。阻隘可也。聲盛致志。鼓儼未陳。可也。明年夏五月。宋公卒。子王臣立。是爲成公。

乙酉

十有六年春二月。晉公子重耳入于晉。

初。重耳奔狄。從者狐偃。趙衰。

風之弟。

顛頡。魏犢。

畢萬孫。晉封萬于魏。

因以爲氏。胥臣。

字曰季。卽司空季子。

處狄十二年。狐偃曰。蓄力一紀。可

以遠矣。齊侯長。

謂年已老。

管仲沒。必求善以終。

求得賢佐。以終霸業。茲

重耳周流列國。賴五人者。爲之先後奔走。已不過牟利酒色之徒而已。獨其對楚子數語。爲有英氣耳。假令齊姜阻從者之謀。楚成



驪王主之請河能卒反晉  
國其亦危矣

可以親乃行。

左傳狄人伐唐咎如獲其二女叔隗季隗納諸公子公子取季隗以叔隗妻趙衰將

適齊謂季隗曰待我二十五年不來而後嫁季隗曰我

二十五年矣又如是我而嫁則就木焉請待子唐咎如

赤狄別種隗姓過衛衛文公不禮焉出于五鹿今直隸大名府

在元城縣即沙鹿城一在開州即晉文公乞食處乞食于野人與之塊重耳怒

狐偃曰天賜也民以土服必獲此土受而載之及齊齊

桓公妻之重耳安焉桓公卒從者謀去齊姜氏知之趣

重耳行。國語從者謀于桑下蠶妾在焉告姜氏姜氏殺

已除之矣重耳曰吾不動矣姜氏曰西方之重耳不可

書曰懷與安實疚大事時不可失子必速行重耳不可

姜與狐偃謀醉而遣之過曹。國語曹共公聞其駢脅謀

之妻謂負羈曰晉公子賢人其從者皆國相必得晉國

得晉國而討無禮曹其首誅也子盍早自貳焉負羈餽

盤飧寘璧焉公及宋。左傳宋襄公贈及鄭。史記重耳過

子受殯反璧之以馬二十乘及鄭。鄭文公弗



禮。叔詹諫。文公曰。諸侯亡公子。過此者眾。安可盡禮。遂

如楚。楚子饗之。國語。楚成王以周禮享之。九獻。庭實旅百。曰。公子若反晉國。

則何以報不穀。對曰。子女玉帛。則君有之。羽毛齒革。則

君地生焉。其何以報君。若以君之靈。得反晉國。晉楚治

兵。遇于中原。其辟君三舍。若不獲命。其左執鞭弭。右屬

囊鞬。以與君周旋。子玉即成得臣。若敖曾孫。請殺之。楚子不許。左傳。

楚子曰。晉公子廣而儉。文而有禮。其從者肅而寬。忠而能力。天將興之。誰能廢之。居數月。晉子

圉自秦亡歸。秦伯召重耳于楚。楚子厚幣以送于秦。秦

伯納女五人焉。史記。子圉妻懷嬴與重耳不欲受。曰。及季曰。且受。以結秦歡。而求入乃受。及

晉惠公卒。子圉嗣。是為懷公。史記。晉大夫欒卻等聞重耳在秦。皆陰來勸重耳反國。為內應。

于是秦伯納重耳。重耳即位。是為文公。左傳。重耳濟河。晉師軍于廬柳。秦伯使公



子繫如晉師。師退。軍于郇。狐偃及秦晉之大夫盟。重耳如晉師。入于曲沃。朝于武宮。

武宮。晉武公廟。使人殺懷公于高梁。前注見懷公故臣呂

甥卻芮將焚公宮。弑晉侯。寺人披以難告。

左傳披請見蒲城之役。君命一宿。女即至。其後為惠公來求殺余。命女三宿。女中宿至。雖有君命。何其速也。夫祛猶在。女其行乎。對曰。君命無二。除君之惡。惟力是視。蒲人狄人。余何有焉。今君即位。其無蒲狄乎。乃見之。晉侯潛

會秦伯于王城。

注見公宮火。呂卻不獲公。乃如河上。秦伯誘而殺之。晉侯逆夫人嬴氏以歸。

左傳秦伯送衛于之僕。狄人亦歸季隗于晉。晉侯賞從亡者。介之推。史記作不言祿。祿亦弗及。推曰。獻公之子九人。惟君在矣。惠懷無親。外內棄之。天未絕晉。必將有主。主晉祀者。非君而誰。天實置之。而二三子以為己力。不亦誣乎。遂與其母偕隱而死。

五

卷之五 周襄王

即北平文直監軍



史記介子推從者憐之。乃懸書宮門曰。龍欲上天。五蛇為輔。龍已升雲。四蛇各入其宇。一蛇獨怨。終不見處所。文公出見其書曰。此介子推也。使人召之。則亡。遂求所在。聞其入縣上山中。于是文公環山而封之。以為介推田。號曰介山。介山在今山西汾州府介休縣南。有縣上聚。

錫晉侯命。

王使大宰

王子虎文公。

及內史興錫晉侯命。上卿逆于境。晉

侯郊勞。館諸宗廟。饋九牢。設庭燎。及期。命于武宮。設桑

主。

獻公之主。

布几筵。大宰涖之。晉侯端委以入。內史贊之三

命。而後即冕服。既畢。賓饗贈餞。如公命侯伯之禮。而加

之以宴好。內史興歸。告王曰。晉不可不善也。其君必霸。

逆王命。敬奉禮義。成敬王命。順之道也。成禮義。德之則

也。則德以道。諸侯諸侯必歸焉。王其善之。



夏狄伐鄭

初鄭入滑

滑人叛鄭而服于衛故鄭入滑

滑人聽命師還又卽衛鄭公

子士

鄭文公子

洩堵俞彌

鄭大夫

帥師伐滑王使伯服游孫伯

二子周大夫

如鄭請滑鄭伯不聽王命而執二子王怒將以

狄伐鄭富辰

周大夫

諫曰不可人有言曰兄弟讒聞侮人

百里

兄弟雖以讒言相違猶禁禦他人侮已

鄭在天子兄弟也周之東遷

晉鄭是依子頽之亂又鄭之由定今以小忿棄之是以

小怨置大德也無乃不可乎王弗聽使頽叔桃子

二子周大夫

出狄師伐鄭取櫟王德狄人將以其女爲后富辰諫

曰報者倦矣施者未厭狄固貪恠王又啟之女德無極

婦怨無終狄必爲患王又弗聽



冬王出居于鄭。

初富辰言于王請召王子帶。于是帶自齊歸于京師。及

是帶通于狄后隗氏。王替廢也。隗氏。顏叔桃子曰。我實

使狄。狄其怨我。遂奉帶以狄師攻王。王御士將禦之。王

曰。先后其謂我何。寧使諸侯圖之。王遂出。及坎飲。周地在

河南府鞏縣。國人納之。帶復以狄師寇王城。大敗王師。王出

適鄭。居于汜。鄭南汜也。今河南許州襄城縣有汜城。鄭

文公築此以居襄王。後遂謂之襄城。因以名帶以隗氏居于溫。王使告難于諸侯。簡師父告于晉

縣。鄭伯與孔將鉏。石甲父。侯宣多。三人皆鄭大夫。省視官具于汜。

而後聽其私政。

丙戌十有七年春正月。衛侯燬滅邢。公羊傳。衛侯燬何



衛將伐邢。禮至。衛人曰。不得其守。守國。國不可得也。我

請昆弟仕焉。乃往。得仕。及是。衛人伐邢。二禮從國子。邢

卿。巡城。掖以赴外。殺之。衛遂滅邢。衛侯尋卒。子鄭嗣。是

成公。

夏四月。晉侯逆王。入于王城。誅帶。

秦伯師于河上。將納王。狐偃言于晉侯曰。求諸侯莫如

勤王。諸侯信之。且大義也。繼文之業。謂文侯仇。而信宣于諸

侯。今為可矣。晉侯辭秦師而下。右師圍溫。帶在溫。左師逆

王。王入于王城。取帶于溫。殺之。晉侯朝王。王饗醴。命之

宥。請隧。闕地通路曰隧。王之葬禮。弗許。曰。王章也。未有代德。而有二

王。亦叔父之所惡也。與之陽樊。溫。原。注俱見前。攢茅。今河南懷慶府

襄王不許晉侯之請隧是  
已然但知名器之不可假  
而不知先王土地之不可  
棄彼時王綱陵夷位若綴  
旒徒存名器亦將安用之



修武縣有攢城之田。晉于是始啟南陽。今河南懷慶府春秋為晉南陽

地。故曰南陽。陽樊不服。圍之。倉葛陽樊人。呼曰。此誰非王之親姻。其俘之也。乃出其民。圍原。命三日之糧。原不降。

命去之。謀出曰。原將降矣。軍吏請待之。公曰。信國之寶也。民之所庇也。得原失信。何以庇之。所亡滋多。退一舍。

而原降。遷原伯于冀。趙衰為原大夫。狐溱為溫大夫。

丁亥。十有八年。秋。楚人滅夔。楚同姓國。今湖北宜昌府歸州有夔子國。地名夔沱。

夔子不祀祝融。楚之遠祖。與鬻熊。祝融十世孫。楚成得臣鬬宜申。

即司馬子西。帥師滅夔。以夔子歸。

戊子。十有九年。冬。楚人陳侯蔡侯鄭伯許男圍宋。

宋以善子晉畔楚。即晉。楚子及諸侯圍宋。宋公孫固。公弟。



矣。狐偃曰：「楚始得曹，而新昏于衛。若伐曹衛，楚必救之。」

可說禮樂而敦詩書義之府也。禮樂德之則也。德

義利之本也。君試之。乃使郤穀將中軍。郤溱佐之。使狐偃將上軍。讓于狐毛而佐之。欒枝將下軍。先軫佐之。

荀林父御戎。魏犢爲右。郤穀。郤溱。郤氏族。狐毛。偃之。

軫荀林父。卽中行桓子。

二十二年春正月。晉侯侵曹。晉侯伐衛。蘇轍春秋集傳。侵曹與伐衛異道。故

再稱晉侯。

晉侯將伐曹。假道于衛。衛弗許。還。自南河濟。渡河而南出衛之東

侵曹伐衛取五鹿。卻縠卒。先軫將中軍。及齊侯。昭公番。盟于欽孟。直今

隸大名府開州。歛孟聚是。衛侯請盟。不許。衛侯欲與楚。國人不欲。出居。



于襄牛。襄牛。衛地。今河南歸德府睢州之襄邑廢縣是。楚人救衛。晉遂入曹。令無

負羈之官。魏犢顛頡怒曰。勞之不圖。報于何有。執僖負

羈氏。公以魏犢才。舍之。殺顛頡。以狗于師。立舟之僑。為

戎。執曹伯。以曹衛之田畀宋人。宋使門尹般如晉師告

則絕。告楚不許。我欲戰矣。齊秦未可。若之何。先軫曰。使

宋舍我而賂齊秦。藉之告楚。我執曹君。而分曹衛之田

以畀宋人。楚愛曹衛。必不許也。喜賂怒頑。能無戰乎。公從之。

夏四月。晉侯。齊師。宋師。秦師。及楚人戰于城濮。左傳注。衛

東曹州府濮州南有臨濮故城。即春秋城濮。楚師敗績。

楚子入居于申。使子玉去宋。曰。無從晉師。楚子曰。晉侯

矣。而果得晉國。天假之年。而除其害。天之所置。其可廢乎。子玉使伯棼。子越椒也。鬬

請戰。曰。非敢必。有功也。願以間執讒慝之口。謂為賈也。為賈言子

子玉剛愎自用。固有以取敗。然傅稱楚子怒少與之



師豈非惡其臣以及其軍  
而自償乃事乎吾知申息  
之者不怨子玉而怨楚子  
矣宜無是理吁紀載家尚  
藻而失真實者蓋不可  
指數讀書者所宜尚論  
諱時也

師。子玉使宛春告于晉曰。請復衛侯而封曹。臣亦釋宋  
之圍。狐偃曰。子玉無禮哉。君取一。臣取二。不可失矣。先  
軫曰。定人之謂禮。楚一言而定三國。我一言而亡之。我  
則無禮。何以戰乎。不如私許復曹衛以攜之。執宛春以  
怒楚。既戰而後圖之。乃拘宛春于衛。且私許復曹衛。曹  
衛告絕于楚。子玉怒。從晉師。晉師退三舍。狐偃曰。微楚  
之患不及此。退三舍避之。楚眾欲止。子玉不可。晉侯及諸侯之師。宋  
所以報也。楚眾欲止。子玉不可。晉侯及諸侯之師。宋  
齊國歸父。崔天。秦小子憖。崔天。齊丁公季子。  
之後。食采于崔。以邑為氏。小子憖。秦穆公子。次于城  
濮。楚師背鄆而舍。鄆。邱陵  
險阻名。使鬬勃卽子請戰。晉侯登有  
莘之墟。有莘。古國。伊尹耕  
于其野。注見前。以觀師。曰。少長有禮。其可用  
也。遂伐木以益其兵。陳于莘北。胥臣以下軍之佐當陳。



蔡子玉以若敖之六卒

子玉宗人之兵六百人

將中軍曰今日必

無晉矣子西

闕宜

將左子上將右胥臣蒙馬以虎皮先

犯陳蔡陳蔡奔楚右師潰狐毛設二旆而退之

若爲將却

枝使輿曳柴而僞遁

詐爲衆走

楚師馳之先軫卻縠

史記作臻

以

中軍公族橫擊之狐毛狐偃以上軍夾攻子西楚左師

潰楚師敗績子玉收其卒而止晉師三日館穀

館舍也食楚軍

穀三

而還子玉旣敗楚子使謂之曰大夫若入其若申

息之老何及連穀

楚地在方城之外

而死

自殺

晉侯聞之喜曰

莫余毒也已

朱子曰自齊桓公歿楚侵列國得晉文攔遏如橫流泛濫特作隄防不然列國爲滄浸必矣惟是伐衛以致楚陰謀以取勝故夫子稱譎而不正



葵印之會幸孔命齊侯而  
有天威咫尺之對踐土之  
會王子虎命晉侯而有奉  
揚不顯之辭雖所謂假之  
者然先王之禮尚存什一  
于千百此桓文之所以並  
稱乎

五月晉侯齊侯宋公魯侯蔡侯鄭伯衛子衛侯出奔弟叔武受盟故稱子  
子盟于踐土左傳注鄭地元和志鄭州滎澤縣踐土臺故王宮在縣西北臨泚水今滎澤縣屬河南開封府

晉侯至衡雍時鄭伯為楚師既敗而懼行成于晉晉侯及鄭伯盟于衡雍衡雍即垣雍城在河南懷慶府原武縣水經注晉文

公戰勝于楚周襄王勞之于此作王宮于踐土獻楚俘

于王駟介百乘徒兵千鄭伯傅王用平禮也用平王享禮晉文侯之

王享醴命晉侯宥王命尹氏周世卿及王子虎周卿內

史叔興父即內史興策命晉侯為侯伯賜之大輅金輅之服

戎輅戎車之服彤弓一彤矢百玼弓矢千秬鬯一卣虎

賁三百人曰王謂叔父敬服王命以綏四國糾逖王慝

晉侯三辭從命曰重耳敢再拜稽首奉揚天子之不顯



休命受策以出。出入三觀。王子虎盟諸侯于王庭。

左傳注。王

子虎臨盟。不同軌。故不曰皆獎王室。無相害也。陳侯如

書。王庭。踐土宮之庭。會。來不。諸侯朝于王所。于是晉文公始霸。

冬。晉侯齊侯。宋公魯侯。蔡侯。鄭伯。陳子。

穆公款卒。共公朔嗣。未葬。故稱子。

莒子。邾子。秦人。會于溫。

諸侯會于溫。討不服也。

為討衛許。晉遂執衛侯。以諸侯圍許。

王狩于河陽。

今河南懷慶府孟縣。河陽故城是。

諸侯朝于王所。

晉侯召王。以諸侯見。且使王狩。

史記。晉侯會諸侯于溫。欲率之朝周。力未能。恐

有畔者。乃使人言王狩于河陽。孔子讀史至文公曰。諸侯無召王。王狩河陽者。春秋諱之也。

伊川程子曰。晉文公欲率諸侯以朝王。正也。懼其不能。故譎以行之。召王以就焉。人獨見其召王之非。而不見

其欲朝之本心。是以譎而揜其正也。



晉人執衛侯歸之于京師。

初衛侯聞楚師敗懼出奔楚遂適陳使元咺衛大夫奉叔

武衛侯弟以受盟或訴元咺于衛侯曰立叔武矣其子

角從公公殺之咺不廢命奉叔武以入守晉人復衛侯

衛侯先期入叔武將沐聞公至喜捉髮走出前驅公子

華仲射而殺之公知其無罪元咺出奔晉溫之會衛侯與

元咺訟衛侯不勝元咺歸于衛晉人執衛侯歸之于京

師請殺之王曰不可夫君君臣無獄今元咺雖直不可聽

也君臣皆獄父子將獄是無上下也而叔父聽之一逆

矣又為臣殺其君其安庸刑布刑而不庸再逆矣一合

諸侯而有再逆政余懼其無後也于是置諸深室甯俞



甯氏衛公族。以邑為職。納橐餗焉。橐。衣囊也。餗。糜也。後晉使醫衍

酖衛侯。甯俞貨醫。使薄其酖。不死。魯侯為之請。納玉于

王。與晉侯皆十穀。乃釋衛侯。事在二十二年。衛侯使周黻治厘

殺元咺。及公子瑕。遂歸于衛。先是諸侯圍許。晉侯有疾。曹伯之豎侯獯貨筮史使

以曹為解。晉侯復曹伯。歸于曹。

庚寅二十有一年。夏六月。王子虎魯侯。晉人。宋人。齊人。陳人。

蔡人。秦人。盟于翟泉。在今河南府洛陽縣故洛陽城中。水經注。穀水東流入洛陽縣之南池。即

故翟泉也。考是盟。春秋不書公。王子虎書王人。今依金氏前編書。

王子虎。魯侯。晉狐偃。宋公孫圉。齊國歸父。陳轅濤塗。秦

小子憖。盟于翟泉。尋踐土之盟。且謀伐鄭。

陳氏傳良已。此晉初以大夫盟土子也。大夫之交政于是始。



辛卯二十有二年秋九月晉人秦人圍鄭

晉侯秦伯圍鄭鄭人以名寶行成晉弗許曰與我詹而

師還

謂叔詹也詹前請殺晉侯

詹請往鄭以詹與晉晉人將烹之既

而弗殺

詹就烹據鼎耳而疾號曰自今以往知忠以事君者與詹同晉人舍之

曰欲得鄭

君而甘心焉鄭恐乃間令使

燭之武夜繼而出

謂秦伯曰亡鄭

厚晉于晉得矣而秦未爲利何不解鄭得爲東道交秦

伯遂與鄭人盟使杞子逢孫揚孫戍之而還狐偃請擊

之晉侯曰不可微夫人之力不及此亦去之

初鄭公子蘭出奔晉

從于晉侯伐鄭請無與圍鄭許之使待命于東鄭石甲父侯宣多逆以爲太子以求成于晉晉許之越二年鄭

文公卒子蘭嗣是爲穆公

冬使宰周公

閱

聘于魯魯公子遂

即東門襄仲莊公子

入聘



周公閱聘魯。饗有昌歠。

昌蒲白。

熬稻。

黑熬黍。

形鹽辭曰。

國君文足昭也。武可畏也。則有備物之饗。吾何以堪之。

于是魯公子遂入聘京師。

壬辰

二十有三年。秋。晉作五軍。

初。晉侯作三行以禦狄。

左傳注。晉置三軍。復增置三行。以避天子六軍名。

至是。

蒐于清原。

在今山西絳州稷山縣西北。

舍三行而作五軍。

更爲上。使下新軍。

趙衰爲卿。

爲新軍帥。

後復舍二軍。

仍爲三軍。趙盾將中軍。始爲國政。事在王三十一年。

冬。十有二月。衛遷于帝丘。

注見前。

狄圍衛。衛遷帝丘。卜曰。三百年。

左傳疏。衛自此年以後。歷十九君。積四百二十

年。衛元君乃徙野王。後爲秦所滅。

癸巳

二十有四年。冬。十有二月。晉侯重耳卒。



晉文公卒。子驩立。是為襄公。是年。楚鬬章請平于晉。晉陽處

父晉大報之。晉楚始通。

甲午二十有五年。春。二月。秦人入滑。夏。四月。晉人及姜戎姜姓

之戎居敗秦師于殽。殽山。在今河南府永寧縣。

杞子自鄭使告于秦。曰。鄭人使我掌其北門之管。若潛

師以來。國可得也。秦伯訪諸蹇叔。百里奚之友。奚嘗游

秦用奚。奚薦之穆公。穆公以厚幣迎為上大夫。蹇叔曰。勞師以襲遠。不可。公辭

焉。召孟明。西乞。白乙。史記。百里奚子孟明視。蹇叔子西乞術。及白乙丙。出師。蹇

叔子與師哭而送之。蹇叔曰。晉人禦師必于殽。殽有二陵焉。其南陵。夏后臯之墓也。其北

陵。文王之所避風雨也。秦師遂東。過周北門。左右免胄

必死。是間。予收爾骨焉。秦師輕而無禮。必敗。及滑。鄭商人弦高以牛十二犒師。



且使遽告于鄭。鄭人使視客館。則束載厲兵秣馬矣。遂

辭焉。杞子奔齊。逢孫。揚孫奔宋。孟明曰。鄭有備矣。不可冀也。滅滑而

還。晉先軫曰。秦違蹇叔而以貪勤民。天奉我也。奉不可

失。敵不可縱。必伐秦師。遂發命。遽興姜戎。子墨衰絰。謂

晉侯。凶服從戎。故墨之。敗秦師于殽。獲孟明。西乞白乙。以歸。遂墨

文公。晉于文嬴。文公夫人。請三帥。使歸就戮于秦。公許之。先軫

是始墨。朝問秦囚。公曰。夫人請之。吾舍之矣。先軫怒曰。武夫力

而拘諸原。婦人暫而免諸國。墮軍實而長寇讐。亡無日

矣。公使陽處父追之。三帥歸。秦伯素服郊次。哭曰。孤違

蹇叔以辱二三子。孤之罪也。大夫何罪。且吾不以一眚

掩大德。

二十有六年春二月癸亥日有食之。



夏使毛伯姬姓伯爵食采于毛地錫魯侯命魯叔孫得臣

叔牙孫來拜命

魯僖公卒子興嗣是為文公王使毛伯衛如魯錫魯侯命魯

使叔孫得臣來京師拜賜命

晉侯襄公來朝于溫伐衛

晉文公之季年諸侯朝晉衛侯不朝使孔達衛大夫伐鄭

及是晉侯既祥使告于諸侯而伐衛及南陽先且居先軫

子曰效尤禍也請君朝王左傳注時王在溫故勸之臣從師晉侯朝

王于溫先且居胥臣伐衛圍戚古戚城在今直隸大名府開州取之衛

人使告于陳陳侯穆公子共公朔曰更伐之我辭之衛孔達帥

師伐晉于是晉侯疆戚田正其疆界魯公孫敖會之後晉以卻缺言



復歸戚田于衛。

卻缺芮之子。

冬十月。楚世子商臣弑其君頹。

初。楚子將以商臣為太子。訪之令尹子上。子上曰。是人

也。蠶目而豺聲。忍人也。不可立。弗聽。既又欲立子職。商臣

庶弟。而黜商臣。商臣聞之。未察。告其師潘崇曰。若之何。察

之。潘崇曰。享江芊。楚子妹。而弗敬也。從之。江芊怒曰。呼。役

夫。宜君王之欲殺女而立職也。告潘崇曰。信矣。乃以宮

甲。楚有東宮之卒。圍楚子。楚子請食熊蹯而死。熊掌難熟。冀弗

聽。楚子縊。商臣乃自立。是為楚穆。以太子之室與潘崇。使為太師。掌環列之尹。

丙申。二十有七年。夏六月。晉士穀士薦會宋公。陳侯。鄭伯。魯

公。孫敖盟于垂隴。今河南開封府滎澤縣有故隴城。亦謂之都尉城。即春秋垂隴。



晉司空士穀會諸侯。及魯公孫敖盟于垂隴。晉討衛故也。陳侯爲衛請成于晉。執孔達以說。明年衛侯如陳拜晉成。又明年晉人歸孔達于衛。衛侯如晉拜。

陳氏傳良曰。大夫而敵諸侯。于是始。

丁酉二十有八年夏。秦伯伐晉。誓于軍。

穀之役。晉人旣歸秦帥。秦大夫及左右皆言于秦伯曰。是孟明之罪也。請殺之。秦伯曰。是孤之罪也。孤實貪以禍夫子。夫子何罪。復使爲政。明年孟明帥師伐晉。以報穀之役。晉侯禦之。戰于彭衙。陝西同州府白水縣有衙縣故城。今爲彭衙堡。卽春秋彭衙。秦師敗績。秦伯猶用孟明。孟明增修國政。重施于民。晉趙衰言于諸大夫曰。秦師又至。將必避之。懼而增



德不可當也。至是秦伯伐晉，濟河焚舟。

今山西蒲州府永濟縣有孟明

橋，即秦伯濟河焚舟處。盟師必克，因以名橋。

取王官。

王官城在蒲州府虞鄉縣南，近王官谷。

郊。

春秋彙纂注：臨晉，平陽間小邑。

晉人不出，遂自茅津濟。

今山西解州平陸縣有沙

澗渡，亦名茅津渡，在黃河北岸，南對陝州，即春秋茅津。

封殽中尸，發喪，哭之三日。

乃誓于軍。

作秦誓。

以申思，不用蹇叔之謀。且曰：令後世以

記余過。

秋，楚人圍江。冬，王叔會晉陽處父伐楚以救江。

楚師圍江，晉以告于王。王叔

桓公，王叔虎，文公之子，以爵系為氏。及晉

陽處父伐楚以救江，門于方城，遇息公子朱而還。

左傳注：子

朱，楚伐江之帥，聞晉師起而江兵解，故晉亦還。

戊戌二十有九年，秋，楚人滅江。



秦伯爲之降服。素服也。出次。辟正寢。不舉。去盛饋。過數。鄰國之禮有數。

秦伯過之。大夫諫。公曰。同盟滅。雖不能救。敢不矜乎。吾自懼也。

命秦伯爲西方諸侯伯。

戎人由余。自戎歸于秦。由余。其先晉人。亡入戎。能晉言。戎王使覲秦。秦伯賢之。以內史

廖言。遺戎王以女樂。而歸由余。戎王說女樂。由余數諫弗聽。秦又數使人間要由余。由余遂降秦。秦伯

以客禮禮之。用其謀伐戎。益國十二。開地千里。遂霸西

戎。王使召公過。賜秦伯以金鼓。命爲西方諸侯伯。

己亥三十年。秋。楚人滅六。注見前。冬。滅蓼。今河南光州固始縣有蓼城岡。古蓼國。

魯臧孫辰聞六與蓼滅。曰。臯陶庭堅不祀。忽諸。六。蓼皆臯陶之後。

德之不建。民之無援。哀哉。



子唐三十有一年。秦伯狂好卒。子罃嗣。是為康公。

以子車氏

秦大夫。

之三子。奄息。仲行。鍼虎。為殉。

秦自武公卒。初以人

從。皆秦之良也。國人哀之。為之賦黃鳥。

詩序。秦風黃鳥。哀三良也。國人

刺穆公以人從死。而作是詩。

丑辛

三十有二年。春。三月。魯取須句。

今山東泰安府東平州有須昌故城。即須句國。

須句。風姓。司太皞之祀。魯僖公時。邾人滅之。成風

僖公母。風

姓。言于公。公伐邾。取須句。而反其君。至是。魯取須句。

絕大

皞之

置邾子之子焉。

左傳注。邾文公子叛邾在魯。故魯使為須句大夫。

夏。晉人及秦人戰于令狐。

故城。在山西蒲州府猗氏縣。今名令狐村。

晉先蔑

伯。奔秦。

晉襄公卒。太子夷臯少。晉人以難故。欲立長君。趙盾曰。

趙盾。趙衰子。立公子雍。文公子。仕秦為亞卿。好善而長。先君愛之。

且近在秦。秦舊好也。足以為援。乃使先蔑士會士薦之孫。別邑

于隨。故亦曰隨季。如秦。逆公子雍。賈季欲立文公子樂。亦使召

處父而奔狄。賈季即狐射姑。偃之子。秦伯康公。送公子雍于晉。曰。文公

之人無衛。故有呂卻之難。乃多與之徒衛。晉太子母嬴。

穆嬴。曰。抱太子以啼于朝。曰。先君何罪。其嗣亦何罪。舍

適嗣不立而外求君。將焉寘此。出朝。則抱以適趙氏。頓

首于趙盾曰。先君奉此子而屬諸子。曰。此子也才。吾受

子之賜。不才。吾唯子之怨。今君雖終。言猶在耳。而棄之。

若何。趙盾與諸大夫皆患嬴氏。且畏偁。畏國人以大義求偁已。乃

背先蔑而立夷臯。是為靈公。以禦秦師。訓卒利兵。秣馬蓐食。



潛師夜起。敗秦師于令狐。先蔑奔秦。士會從之。

壬寅三十有三年。秋八月。王崩。子壬臣立。是為頃王。

頃王

癸卯元年。春。毛伯注見前。如魯求金。魯使叔孫得臣來京師。葬

襄王。

先是。襄王崩。魯使公孫敖入弔。不至。以幣奔莒。及將葬。

毛伯如魯求金。魯復使得臣來京師會葬。

三月。楚人伐鄭。晉人宋人魯人衛人許人救鄭。

范山楚大夫。言于楚子曰。晉君少。志不在諸侯。北方可圖。

也。楚子師于狼淵。左傳注。潁川潁陰縣有狼陂。潁陰。即今河南許州。以伐鄭。囚

公子堅。公子廆及樂耳。皆鄭大夫。鄭及楚平。魯公子遂會晉

趙盾宋華耦督曾孫衛孔達許大夫救鄭不及後鄭復請

成于晉盟于新城事在王六年晉伐齊宋昭公

子舍宋弑昭公俱詳後皆取賂而還鄭以晉不足與遂盟于楚事在

五年

### 夏楚侵陳

楚子以陳服于晉侵之克壺邱左傳注秋楚公子朱息

也復自東夷伐陳陳人敗之獲公子蔑陳懼乃及楚平

左傳注以小勝大故懼而請平明年陳侯鄭伯會楚子于息遂及蔡侯

次于厥貉春秋彙纂注厥貉杜注地將伐宋宋公成公

公杵逆楚子勞且請命遂道以田孟諸爾雅十藪宋有

德府商邱縣後陳共公卒子平國立楚不禮焉陳遂受



盟于晉。于是楚復侵陳。晉趙盾帥師救之。楚人囚晉解

揚。

晉大夫。後復還晉。

晉師乃還。

事在匡王五年。

乙巳

三年冬十月。魯叔孫得臣敗狄。

史記作翟。

于鹹。

左傳注。魯地。

鄭瞞。

左傳注。狄國名。防風氏之後。漆姓。

侵齊。遂伐魯。魯侯使叔孫得臣

追之。遂敗之于鹹。獲長狄僑如。

左傳注。鄭瞞國之君。身長三丈。穀梁傳。射其目。

身橫九畝。

斷其首而載之。眉見于賦。范甯穀梁集解。九畝。五丈四尺。

殺之。埋其首于子駒

之門。

左傳注。魯郭門。僑如骨節非常。恐後世怪之。故詳其處。史記。宋武公之世。鄭瞞伐宋。宋獲長翟緣斯。

晉之滅潞。獲僑如弟焚如。齊襄公二年。鄭瞞伐齊。獲其弟榮如。衛人獲其季弟簡如。鄭瞞由是遂亡。

丙午四年冬十有二月。晉人秦人戰于河曲。

左傳注。在河東蒲坂縣。蒲坂故

城。在今山西蒲州府永濟縣。黃河自永濟圻而東。入解州之芮城。謂之河曲。

秦為令狐之役。伐晉。取羈馬。

今蒲州府永濟縣有羈馬城。亦謂之涉邱。晉人

左傳注。僑如身長三丈。已屬不經。而解穀梁者。且以身橫九畝為五丈四尺。荒誕好奇。更可笑矣。

秦晉自殷至此。凡六交兵。故楚於其間。得以吞噬麋庸。兼侵陳鄭。而開霸業。時晉君方幼。軍謀不協。其不能與楚爭宜矣。迨至戰邲。

而敗其不至屢弱者幾希

禦之從秦師于河曲。與駢

趙盾屬大夫。新佐上軍。

曰。秦不能久。請

深壘固軍以待。從之。士會謂秦伯曰。必與駢為此謀。以

老我師也。趙穿

趙夙庶孫。

有寵而弱。好勇而狂。若使輕者肆

焉。其可。秦軍遂掩晉上軍。趙穿追之不及。怒。將獨以其

屬戰。趙盾曰。秦獲穿歸。我何以報。乃皆出戰。交綏

綏。卻也。秦

晉兵未至爭而兩退。故曰交綏。

是夜。秦師遁。復侵晉。入瑕

故瑕城。在蒲州府臨晉縣。

晉患秦之用士會也。使魏壽餘

畢萬之後。

偽以魏

注見前。

叛降

秦。時秦師河曲。魏人在東。壽餘曰。請東人之能與夫二

三有司言者。吾與之先。秦伯使士會。既濟。魏人譟而還。

士會將行。繞朝贈之以策。曰。子無謂秦無人。吾謀適不用也。秦人歸士會之帑。其處者為劉氏。

戊申

六年春。王崩。子班立。

是為匡王。



頃王崩。周公閱與王孫蘇爭政。將訟于晉王。匡子。不與。

王孫而訟。理之也。周公于晉。晉趙盾平王室而復之。復使和好。

秋七月。有星孛入于北斗。左傳注。孛。彗也。既見而移入北斗。

九月。齊公子商人弑其君舍。

齊昭公卒。昭公。孝公弟。孝公卒。昭公因開方殺其子而立。子舍即位。舍母魯叔

姬無寵。舍無威。商人驟施于國。而多聚士。舍立甫三月。

商人殺之。而讓公子元。桓公子。元曰。爾求之久矣。我能

事爾。商人乃自立。是為懿公。公子元不順懿公。之為政。終不曰公。曰夫已氏。

匡王

己酉元年。夏六月辛丑朔。日有食之。

庚戌二年。秋。楚人。秦人。巴人。今四川重慶府。古巴國。巴縣。其國都也。滅庸。注見前。

楚大饑。戎伐之。庸人率羣蠻以叛。麇人文獻通考。麇。今湖北鄖陽府鄖縣故鄖鄉縣也。率百濮杜預春秋釋例。建寧南有濮夷。今釋。建寧故城在。各以邑落自聚。故稱百濮。地理聚于選左傳注。楚地在今荆州府枝江縣南。將伐楚。楚

人謀徙于阪高左傳注。楚險地。蔣賈曰。不可。我能往。寇亦能往。

不如伐庸。夫麇與百濮。謂我饑不能師。故伐我也。若我

出師。必懼而歸。乃出師。旬有五。日。百濮遂罷。使廬戢黎

揚窗廬戎也。今湖北襄陽府南漳縣。有中廬故城。即廬國。戢黎。廬大夫。侵庸。庸人逐之。囚子

後進。潘尪潘崇子。字師叔。曰。不可。姑又與之遇。以驕之。乃與之

遇。七遇皆北。庸人曰。楚不足與戰矣。遂不設備。楚子楚穆

之子。名旅。乘駟會師于臨品。春秋彙纂注。臨品。地名。在今襄陽府均州界。分

是為楚莊。乘駟會師于臨品。

春秋彙纂注。臨品。地名。在今襄陽府均州界。



為二隊。子越自石溪。子貝自仞。左傳注。石溪。仞。入庸道。俱在均州界。以伐

庸。秦人。巴人。從楚師。遂滅庸。

冬。十有一月。宋人弑其君杵臼。

宋公子鮑。昭公庶弟。禮于國人。宋饑。竭其粟而貸之。年自七

無不餽。詒也。國之材人。無不事也。親自桓以下。無不恤也。襄夫人。襄公夫人。助之施。宋公

昭公。無道。國人奉公子鮑以因夫人。夫人將使公田而

殺之。公知之。盡以寶行。蕩意諸。公子蕩孫。以名。為氏。世為司城。曰。盍適

諸侯。公曰。不能其大夫。至于君祖母。昭公成公子。襄公孫。以及國

人。諸侯誰納我。盡以其寶賜左右。使行。夫人使謂意諸

去公。對曰。臣之而逃其難。若後君何。公田孟諸。未至。夫

人使帥甸。之郊。帥。攻而殺之。意諸死焉。公子鮑即位。是為文公。

王四年夏五月齊人弑其君商人

齊侯爲公子時與邴歃之父爭田弗勝及卽位掘而刖

之

左傳注斷其尸足

而使歃僕

御車也

納閭職之妻而使職駟乘

齊侯游于申池

齊南城西門名申門左右有池

二人浴于池歃以扑扶

擊也

職職怒歃曰人奪汝妻而不怒一扶何傷職曰與

則其父而不能病者何如乃共謀弑齊侯納諸竹中歸

舍爵而行

飲酒訖乃去

齊人立公子元

是爲惠公

冬十月魯公子遂弑其君之子赤

一名惡

及公子視立公子

倭

是爲宣公

夫人姜氏歸于齊

魯文公二妃長妃姜

哀姜

生赤及視次妃嬴

敬嬴

生倭

嬴嬖而私事公子遂文公卒遂以倭長欲立之叔仲彭



生

字惠伯。叔牙孫。別爲叔仲氏。

不可。遂乃之齊。以立倭。請齊侯新立。

欲親魯。許之。遂歸。殺赤及視而立倭。以君命召彭生。其宰公冉務人止之。曰。入必死。彭生曰。死君命可也。乃入。殺而埋之。夫人姜氏歸于齊。哭而過市。曰。天乎。仲爲不道。殺適立庶。市人皆哭。魯人謂之哀姜。

莒弑其君庶其。

紀公。

莒子生太子僕。又生季佗。愛季佗而黜僕。且多行無禮于國。僕因國人弑莒子。以其寶玉奔魯。魯侯命與之邑。季孫行父諡文子。季友孫。使司寇出諸境。魯侯問其故。曰。先大夫臧文仲。教行父事君之禮。曰。見有禮于其君者。事之。如孝子之養父母也。見無禮于其君者。誅之。如鷹鷂之

逐鳥雀也。夫僕弑君父，其人則盜賊也。其器則姦兆也。保而利之，則主藏也，是以去之。

甲寅

六年春二月，宋華元

御事子督曾孫爲右師

帥師及鄭公子歸生

戰于大棘。

今河南歸德府柘城縣西北有大棘城故址。

宋師敗績，獲宋華元。

鄭公子歸生受命于楚，伐宋。宋華元、樂呂

宋戴公會孫爲司寇禦

之戰于大棘。宋師敗績，囚華元，獲樂呂。初，華元殺羊饗

士，其御羊斟不與及戰。曰：疇昔之羊子爲政，今日之事

我爲政，與入鄭師，故敗。宋人以兵車百乘、文馬百駟、贖

華元于鄭，半入。華元逃歸。

宋城。華元巡功。城者謳曰：睥其目。睥其腹。棄甲而復。于思

于思。棄甲復來。元使謂之曰：牛則有皮，犀兕尚多。棄甲則那。役人曰：縱其有皮，丹漆若何。華元曰：去之。夫其口

寡我



匡王庚戌至甲寅五年之  
間宋齊魯晉凡五弑君  
較準鳴幽之亂有過之無  
不及也

秋九月晉趙盾弑其君夷臯。

晉侯虐。

公羊傳。靈公使諸大夫內朝。處乎臺上。引彈而彈之。大夫趨而避。丸是樂。諸大夫出于朝。有人

荷畚自閨而出。趙盾視之。膳宰也。熊蹯不熟。以斗擊而殺之。支解。使棄之。趙盾驟諫。晉侯患

之。使鉏麇賊之。晨往。盾寢門已闢。盛服將朝。蚤而假寐。

麇歎曰。不忘恭敬。民之主也。賊民之主。不忠。棄君之命。

不信。有一于此。不如死也。觸槐而死。晉侯飲趙盾酒。伏

甲將攻盾。其右提彌明知之。趨登曰。臣侍君宴。過三爵。

非禮也。遂扶以下。

公喉夫。明搏而殺之。

鬪且出。提彌明死之。靈

輒爲公介。

公甲士。

倒戟以禦公徒而免盾。

初。盾田首山。舍于翳桑。見靈輒

餓。食之。舍其半。問之。曰。願遺母。盾使盡之。而益與之。簞食與內。使遺母。至是。旣免。盾問何故。對曰。翳桑之餓人

也。問其名居。不告。因亡去。盾遂奔。趙穿弑晉侯于桃園。盾未出山而

復。晉太史董狐周辛有之後。書曰。趙盾弑其君。以示于朝。盾

曰。不然。對曰。子為正卿。亡不越境。反不討賊。非子而誰。

盾使趙穿逆公子黑臀文公之子。于周而立之。是為成公。

冬。十月。王崩。弟瑜立。是為定王。

定王

乙卯元年。春。楚楚伐陸渾之戎。注見前。

楚子伐陸渾之戎。遂至于雒。觀兵于周疆。王使王孫滿

周大夫。勞楚子。楚子問鼎之大小輕重。對曰。在德不在鼎。

德之休明。雖小。重也。其姦回昏亂。雖大。輕也。天祚明德。

有所底止。成王定鼎于郊。注見前。卜世三十。卜年七百。

周德雖衰。天命未改。鼎之輕重。未可問也。



丙辰二年夏六月鄭公子歸生弑其君夷穆公子靈公

楚人獻鼃于鄭伯公子宋即子公與歸生即子家將見宋食

指動以示歸生曰他日我如此必嘗異味及入宰夫將

解鼃相視而笑鄭伯問之歸生以告鄭伯食諸大夫鼃

召宋而弗與宋遂染指于鼎嘗之而出鄭伯怒欲殺宋

宋與歸生謀先歸生不可宋反譖歸生歸生懼而從之

遂弑鄭伯鄭人立穆公之庶子堅是為襄公後歸生卒鄭人斷其棺遂其族

秋七月楚殺鬬椒即子越椒

楚鬬般子文之子子揚為令尹椒為司馬為賈為工正賈譖般

而殺之椒為令尹賈為司馬椒又惡賈乃以若敖氏之

族圍賈于轅陽春秋彙纂注楚地漢武封江喜為轅陽侯即此而殺之遂處烝

河至春秋始有徙蓋其時諸侯各以其土或開鴻溝

野。左傳注。楚地。將攻楚子。師于漳滏。漳水名。滏水。山臨山。荆山。注。漳水。

南。逕當陽縣。右會沮。臨沮。今湖北襄陽府南。漳縣。當陽。今縣。屬湖北安陸府。沮水在其北。楚子與

若敖氏戰。椒射楚子。師退。楚子鼓而進之。遂滅若敖氏。

初。椒始生。子文曰。必殺之。是子也。熊虎之狀。而豺狼之

聲。弗殺。必滅若敖氏。子良。子文弟。椒之父。不可。子文以為大憾。

至是。若敖氏果滅。子文孫箴尹。官名。克黃。子。揚。使于齊。

還。及宋。聞亂。人曰。不可入矣。克黃曰。棄君之命。獨誰受

之。君天也。天可逃乎。遂歸復命。自拘于司敗。楚子思子

文之治國。曰。子文無後。其何以勸善。使復其所。改命曰

生。

己未五年。河徙。漢書溝洫志。大司空掾王橫言。周譜。定王五

年。河徙。蔡沈尚書集傳。程氏大昌曰。周時河

北。卷之五。周定王



以東引或關八流以自廣而河失其性不能復故道所以徙也既徙之後歲月安久就下之勢自東而南是龍復歸於北而賈讓王橫輩乃欲決遮雪亭緣西山足載河高地使北入海此誠大謬之論且河之人海必挾一大引與俱故於北則掩漳於東則侵濟於南則奪淮蓋自禹時至今皆然治之者於所挾之川而利導之救其弊而不泥於古可耳勞永逸言之易而行之難

從磬礫。胡渭禹貢錐指。大昌禹貢論。但云河徙故瀆。無磬礫字。蔡傳所引誤。

初大禹導河自積石

即大雪山。注見前。

考大雪山在

遜山

又闕展西南有大澤曰羅布淖爾。即古蒲昌海。葉爾羌和闐兩河東行注之。即古于闐蔥嶺兩河所謂合

注蒲昌海

潛行出於積石者。大雪山西有山曰庫爾坤。阿爾坦河出焉。是即漢書所云河有重源者。其東北有

泉名鄂敦塔拉

則元至

孟津

龍門底杜俱已見前。茲不史所云星宿海也。

至今過洛汭

水曲流曰汭。洛水入河處。舊在

及至大伾

不改。即黎山。在今河南。乃醜二渠。史記禹斷二渠以引河北。衛輝府濬縣東南。載之高地。禹貢錐指二渠

自黎陽宿胥口始

一北流為大河。北過降水。合絳水。故

亦名絳

兼通為降也。禹貢錐指河之經流自大伾西至南折而北。為宿胥口。又東北合漳水。是為北過降水。至

于大陸

即廣阿澤。在直隸趙州隆平縣東北。跨保定府

晉縣為

東鹿縣順德府鉅鹿任二縣及深州下流至寧胡盧河。又北播為九河。注亦同為逆河。入于海。蘇軾書

胡盧河

又北播為九河。注亦同為逆河。入于海。蘇軾書

見前

同為逆河。入于海。蘇軾書

又北播為九河

注亦同為逆河。入于海。蘇軾書

見前

同為逆河。入于海。蘇軾書

又北播為九河

注亦同為逆河。入于海。蘇軾書

見前

同為逆河。入于海。蘇軾書

河者既分爲九。又合爲一。帝堯八十載。告厥成功。至是。以一逆八而入于海也。

凡一千六百七十六年。河始決宿胥口。水經注。宿胥口。舊河水北入。

東徙漯川。卽禹釀二渠之一。禹河由大伾之西而北流。河徙後。由大伾之南而東流。于是禹河北過。

降水至大陸。逕長壽津。在今衛輝府滑縣東北。禹貢錐指。河行漯川。右經滑臺城。又東北至長壽津。

與漯別行。水經謂之大河故瀆。東北逕戚城西。壽津。今山東堂邑縣地。西流逕鬲縣故城。西。今山東德州地。又北逕安陵縣西。今直隸吳橋縣地。

東北至成平。今交河縣。復合于禹故河。水經注。大河故瀆。至東光縣故城西。而北與漳水合。

禹貢錐指。大河自宿胥口徙流。至成平合漳水。復歸禹河故道。歷浮陽。平舒。至章武入海。以今輿地言之。濬縣。

滑縣。開州。及館陶。堂邑。平原。德州。吳橋。東光。交河。滄州。靜海。天津。諸州縣界中。皆周定王五年至西漢末。大河之所行也。

此黃河大徙之始。

余氏闕曰。自周定王時。河始東徙。訖于漢而禹之故道遂失。西京時。受惠特甚。自瓠子再決。遂流爲屯氏諸河。



東都至唐。河不為害者千有餘年。至宋而河又南決。乃由彭城合汴泗。東流以入淮。

冬。晉侯。宋公。魯侯。衛侯。鄭伯。曹伯。會于黑壤。今山西澤州府沁水縣有

烏嶺即其地。

鄭及晉平。公子宋之謀也。故相鄭伯以會盟于黑壤。王

叔桓公臨之。以謀不睦。左傳注。王叔銜天子命。初。晉侯

之立。鄭舍楚即晉。故楚人侵鄭。王元年。又三伐鄭。王之二年。及三

年。四取成而還。取成于厲。鄭伯逃歸。至是。復與晉盟。于是楚子復

伐鄭。事在王七年。晉人救之。既而鄭及楚平。晉以諸侯伐鄭。

遂取成焉。事在王八年。是冬。楚伐鄭。晉以諸侯之師戍鄭。

庚申。六年。秋。七月。甲子。日有食之。既。

冬。使單子。單襄公。韋昭國語注。王卿士單朝。聘于宋。遂自陳聘于楚。

王使單子聘于宋。遂假道于陳。以聘于楚。火朝覲矣。心

星觀見也。謂夏正十月晨見于辰。道弗可行。候人不在疆。司空不

視塗。澤不陂。川不梁。野有庾積。庾。露積也。場功未畢。道無

列樹。墾田若執。發田曰墾。執。猶蒔也。膳宰不致餼。司里

不授館。國無寄寓。縣無施舍。民將築臺于夏氏。陳大夫

之及陳。陳侯名平國。恭公與公孫寧。儀行父。陳二南冠

楚冠也。以如夏氏。夏徵舒祖少西字子夏。後遂以字為氏。留賓弗見。單子歸。

告王曰。陳侯不有大咎。國必亡。

辛酉七年。夏。魯仲孫蔑。諡獻子文。伯穀之子。入聘。

王徵聘于魯。魯使仲孫蔑入聘。王以為有禮。厚賄之。

秋。九月。晉侯。宋公。衛侯。鄭伯。曹伯。會于扈。今河南懷慶府原武縣扈亭是。



晉荀林父帥師伐陳。

初。陳卽楚。晉趙盾衛孫免侵陳。陳及晉平。事在王四年。于是

楚師伐陳。取成而還。在六年。至是。晉合諸侯于扈。陳侯不

會。荀林父以諸侯之師伐陳。晉侯卒于扈。乃還。晉成公卒于孺。

嗣是爲景公。

壬戌八年夏四月丙辰日有食之。

五月陳夏徵舒弑其君平國。

陳侯與公孫寧儀行父通于夏姬。左傳注夏姬鄭穆公女陳大夫御叔妻夏

徵舒皆衣其袒服婦人近喪衣曰袒以戲于朝洩冶。陳大夫諫曰。

君臣淫亂民何效焉。陳侯以告二子。遂殺洩冶。陳侯飲

酒于夏氏。謂行父曰。徵舒似女。對曰。亦似君。徵舒病之。

伏弩廐門。俟陳侯出。弑之。公孫寧儀行父奔楚。太子午奔晉。徵舒自立為陳侯。

秋使王季子

即劉康公。公羊傳王母弟也。左傳注季子王大夫。故稱字。其後食采于劉。今河南府偃師縣有劉聚。亦曰劉亭。即劉子邑。

聘于魯。

春秋書王聘止此。

報仲孫蔑之聘也。發幣于大夫。季孫行父仲孫蔑皆儉。

叔孫僑如公孫歸父。

公子遂子。

皆侈歸。王問魯大夫孰賢。對

曰。季孟。

孟即仲孫氏。

其長處魯乎。叔孫東門。

遂居東門。因以為氏。

其亡

乎。若家不亡。身必不免。王曰。何故。對曰。臣聞之。寬肅宣

惠。君也。敬恪恭儉。臣也。今二子者。儉儉則能足用。用足

則族可以庇。二子者。侈侈則不恤。匱匱而不恤。憂必及

之。王曰。幾何。對曰。東門之位。不若叔孫。

東門大夫。而泰叔孫卿也。



侈焉。不可以事二君。叔孫之位。不若季孟。

叔孫下卿。季孟上卿。而

亦泰侈焉。不可以事三君。

王十六年。歸父謀去三桓。使如晉。未反。魯宣公薨。三桓逐

歸父。遂奔齊。簡王十一年。僑如通于宣公夫人穆姜。欲去季孟而專公室。國人逐之。亦出奔齊。

癸亥

九年。夏。楚子。陳侯。鄭伯。盟于辰陵。

陳地。今河南陳州府淮寧縣有辰亭。即春

陵也。

楚子伐鄭。及櫟。

注見前。

鄭公子去疾。

字子良。穆公子。

曰。晉楚不務

德而兵爭。與其來者可也。晉楚無信。我焉得有信。乃從

楚。楚盟于辰陵。陳鄭服也。

于時楚益強。盛。主盟列國。

冬。十月。楚人殺陳夏徵舒。楚子入陳。

楚子伐陳。謂陳人無動。將討于少西氏。遂入陳。殺夏徵

舒。轅諸栗門。

陳城門。

因縣陳。申叔時諫曰。

時使于齊還。

夏徵舒

弑其君其罪大矣。討而戮之，君之義也。今縣陳貪其富也，以討召諸侯，而以貪歸之，無乃不可乎？楚子曰：「善。」乃復封陳，納公孫寧，儀行父于陳，迎太子午于晉而立之。  
是為成公。鄉取一人焉以歸，謂之夏州。  
在今湖北漢陽府漢陽縣夏口北。蘇秦說楚威王曰：「楚有夏州。」即莊王處陳人之所。

甲子十年春，楚子圍鄭。

三月，克之，入自皇門。

鄭南門曰皇門。

至于達路，鄭伯肉袒牽羊

以迎。楚子曰：「其君能下人，必能信用其民矣，庸可幾乎？」

退三十里而許之平。潘尫入盟，鄭公子去疾出質。

鄭自此服。

于楚至王二十一年。蟲牢之盟，方與晉成。

夏六月，晉荀林父帥師及楚戰于邲。

鄭地。今河南開封府鄭州東有邲城。晉



師敗績。

晉師救鄭。

荀林父將中軍。先穀佐之。士會將上軍。卻克佐之。趙朔將下軍。欒書佐之。趙括趙嬰齊為

中軍大夫。

鞏朔韓穿為上軍大夫。荀首趙同為下軍大夫。韓厥為司馬。先穀且居之子。趙朔盾之子。欒書枝

之孫。趙括嬰齊同皆盾異母弟。鞏朔即土莊伯。韓穿韓氏族。荀首林父弟。韓厥萬會孫。及河聞鄭

既及楚平。荀林父欲還。曰：無及于鄭而勦民焉。用之士

會曰：善。會聞見可而進，知難而退，軍之善政也。兼弱攻

昧，武之善經也。子姑整軍而經武乎？猶有弱而昧者，何

必楚？先穀曰：晉所以霸，師武臣力也。今失諸侯，不可謂

力。有敵而不從，不可謂武。且成師以出，聞敵彊而退，非

夫也。以中軍佐濟。韓厥謂林父曰：莠子

即先穀。以偏師陷

子罪大矣。事之不捷，惡有所分。與其專罪，六人同之，不

師克在和。偏師先濟，不和甚矣。其敗可立待。乃知其必敗而使諸帥與之同罪。

是以三軍之命分一人之  
謗也韓厥為晉臣之佼佼  
者何以持此說而林父竟  
從之至償事敗績受戮宜  
耳士渥濁乃謂其進思盡  
忠晉侯從而免之其謬甚  
矣

猶愈乎不如進也師遂濟楚子北師次于郕左傳注鄭

將飲馬于河聞晉師既濟欲還嬖人伍參欲戰令尹孫

叔敖弗欲史記孫叔敖楚之處士虞邱相進之楚莊王

不起秋冬勸民山採春夏以水各得其所便民皆樂共

生考孟子孫叔敖舉于海趙岐注叔敖隱處海濱楚

莊王舉之以為令尹其說與史記同杜預左傳注則從

服虔之說以叔敖為薦賈之子即薦艾獵也案左傳為

賈為子越椒所殺叔敖或以是而隱南轅反旆伍參曰

處亦未可知今並存其說附注于此

晉之從政者新未能行令其佐先穀剛愎不仁未肯用

命晉師必敗楚子告令尹改乘轅而北之次于管今開

鄭州管城以待晉師在敖鄩山名在開封府之間楚子

使求成于晉晉人許之盟有日矣魏錡魏驪子求及趙

旃趙穿子求請使召盟皆命而往郤克請設備先穀不



設七覆于敖前。趙嬰齊使其徒先具舟于河。魏錡遂請戰。楚潘黨逐之。趙旃

夜至楚軍。席于軍門之外。使其徒入之。楚子逐趙旃。楚

人懼其入晉軍。遂出陣。令尹命疾進師。車馳卒奔。乘晉

軍。林父不知所為。鼓于軍中曰。先濟者有賞。中軍下軍

爭舟。舟中之指可掬也。晉師右移。上軍未動。士會殿其

卒而退。不敗。楚熊負羈囚荀罃。荀首以其族反之。曰。不

遂載其尸。射公子穀臣。囚之。以二者還。荀罃首之子。穀臣楚莊之子。楚子軍于邲。次于

衡雍。注見前。潘黨請築京觀。積尸封土其謂之京觀。弗許。祀于河。作

先君宮。告成事而還。晉師歸。林父請死。晉侯欲許之。士

渥濁。士氏族諡貞子。諫曰。林父進思盡忠。退思補過。社稷之衛

也。若之何殺之。晉侯使復其位。明年先穀召赤狄伐晉。

及清。原。即清。晉人討邲之敗。與清之師。殺先穀而滅其族。

冬十有二月。楚子滅蕭。注見前。

楚子伐蕭。宋華椒。華氏族。以蔡人救蕭。蕭人囚熊相宜僚。

及公子丙。皆楚大夫。楚子曰。勿殺吾退。蕭人殺之。楚子怒。遂

圍蕭。蕭潰。申公巫臣。屈蕩子。曰。師人多寒。楚子巡三軍。拊

而勉之。三軍之士。皆如挾纊。

丁卯十有三年夏五月。宋人及楚人平。

楚子使申舟。即文之母畏。聘于齊。曰。無假道于宋。先是楚穆與宋公田

于孟諸。母畏扶宋公之僕。故惡宋。及宋。宋華元殺之。于

是。楚子圍宋。宋使樂嬰齊告急于晉。晉侯欲救之。伯宗

晉大夫。曰。雖鞭之長。不及馬腹。天方授楚。未可與爭。君其



待之乃止。使解揚如宋。使無降楚。曰。晉師悉起。將至矣。鄭人囚而獻諸楚。楚子賂之。使反其言。不許。三而許之。登諸樓車。使呼宋人而告之。遂致其君命。楚子將殺之。曰。爾既許不穀。而反之。非我無信。汝則棄之。速卽爾刑。對曰。君能制命爲義。臣能承命爲信。義無二信。信無二命。君之賂臣。不知命也。受命以出。有死無貳。又可賂乎。臣之許君。以成命也。死而成命。臣之祿也。死又何求。楚子舍之以歸。楚師將去宋。申犀申舟子稽首于馬前。曰。母畏知死而不敢廢王命。王棄言焉。申叔時僕也。爲御也。曰。築室反耕者。宋必聽命。從之。宋人懼。使華元夜入楚師。羊公傳。莊王圍宋軍。有七日之糧耳。盡此不勝。將去而歸。于是使司馬子反乘堙而闚宋城。宋華元亦乘堙而出。見

之登子反公子側之牀起之曰寡君使元以病告曰敝邑

易子而食析骸以爨雖然城下之盟有以國斃不能從

也去我三十里唯命是聽子反懼與之盟而告楚子退

三十里宋及楚平華元為質盟曰我無爾詐爾無我虞

王札子左傳注王札子王子札也經文倒札字公羊注天子之庶兄殺召伯毛伯

王孫蘇與召氏毛氏三人皆卿士爭政使王子捷即子禮殺召

伯戴公衛其後立戴公之子襄毛伯

秋魯初稅畝

履畝而稅也左傳注周法民耕百畝公田十畝借民力而治之稅不過此是十取其一今又履其

餘畝復十取其一遂以為常故曰初

戊辰十有四年春三月晉獻狄俘



先是晉荀林父帥師滅赤狄潞氏。

潞赤狄別種。今山西潞安府潞城縣東北。

有潞縣故城。春秋潞子國。

晉侯使趙同獻俘于王。不敬。劉子

即王季子劉康。

公曰。不十年。原叔

趙同字。

必有大咎。至是。士會復滅赤狄。

甲氏。

在今直隸廣平府雞澤縣境。

及留吁。

今潞安府屯留縣。有純留故城。即留吁國。鐸辰。

留吁之屬。

再獻狄俘。晉侯請于王。以黻冕命士會將中軍。且

為太傅。

左傳注。太傅。孤卿。左傳疏。天子太傅。三公之官。諸侯太傅。孤卿之官。上公得置孤卿一人。晉為

伯主。雖侯亦得置孤卿。

于是晉國之盜。逃奔于秦。

夏。成周宣榭火。

火。公羊傳作災。何休曰。有室曰寢。無室曰榭。徐彥疏。但有大殿無室。名曰榭。

宣宮之榭。

何休曰。宣王之廟也。

樂器藏焉。

何休曰。中興所作樂器。

至是火。

冬。晉侯使士會入聘。

為毛召之難。王室復亂。王孫蘇奔晉。晉人復之。使士會

王室陵夷。其不能守先王之舊者多矣。乃區區於殺

齋而守其禮不亦大可笑乎左傳於類此者多加褒語是知其見之固耳

平王室

國語作聘

王享之殺烝

升殺于組也

原公

原襄公周大夫

相禮士

會私問其故

享當體薦而殺烝故問

王聞之召士會曰季氏

士會字季

而弗聞乎王享有體薦

半解其體而薦之

宴有折俎

體解節折升之于俎

公當享卿當宴王室之禮也士會不敢對而退歸乃講

聚三代之典禮修執秩

秩常也可奉執以為常

以為晉法

已十有五年夏六月癸卯日有食之

晉侯魯侯衛侯曹伯邾子同盟于斷道

晉地今山西沁州東有斷梁城即春秋

秋斷道

晉侯使卻克徵會于齊齊侯

頃公名無野惠公子

惟婦人使觀之

卻克登婦人笑于房

穀梁傳季孫行父禿晉卻克眇衛孫良夫跛曹公子手僂同時而聘

于齊齊使禿者御禿者眇者御眇者跛者御跛者僂者御僂者蕭同姪子處臺上而笑之聞于客客不悅而去



孫良夫。衛武公會孫孫仲之後。以字為氏。蕭同姪子詳注後。卻克怒。先歸。請伐齊。晉

侯不許。于是諸侯會于斷道。辭齊人。齊侯使高固。晏弱。

固逃歸。晉人執晏弱。蔡朝。南郭偃。苗賁皇言于晉侯。盟于

晏弱。遂逸。明年。晉侯。衛太子臧。伐齊。齊侯會晉侯。盟于

緡。以公子疆為質于晉。蔡朝。南郭偃。逃歸。高固。侯之

孫晏弱。齊公族嬰之父。苗賁皇。楚越椒子。奔晉。以食邑

為氏。是年。晉士會請老。卻克為政。

冬。十有一月。魯侯弟叔肸卒。叔肸。魯侯同母弟。

魯侯殺子赤。叔肸非之。與之財。不受。織屨而食。終身不

食魯侯之食。至是卒。

辛未十有七年。春。三月。魯作邱甲。

魯宣公卒。子黑肱立。是為成公。為齊難故。左傳注。前年魯乞師于楚。欲以伐齊。

楚師不出。故懼。作邱甲。左傳注。周禮。九夫為井。四井為邑。四邑為丘。邱十六井。出戎馬一匹。牛三頭。四

鞏之戰齊侯以婦人起釁  
固自取覆敗而卻克以帷  
房一笑之憾尋兵于甥舅  
之國且要其君母為質無  
禮已甚不二十年三卻同  
誅族遂降為皂隸天之報  
施固不爽也

邱為甸。甸六十四井。出長轂一乘。馬四匹。牛十二頭。甲  
士三人。步卒七十二人。此甸所賦。今魯使邱出之。是重  
斂矣。

申子十有八年。夏六月。晉卻克。魯季孫行父。衛孫良夫。曹公

子首。公羊穀梁作手。及齊侯戰于鞏。今山東濟南府歷城縣藥山

鞏。即齊師敗績。

先是齊伐魯北鄙。取龍。今山東泰安府泰安縣西遂南

侵。衛孫良夫帥師。將侵齊。與齊師遇。戰于新築。左傳注。

秋彙纂注。今直隸大名府魏縣南。有新築城。衛師敗績。新築人仲叔于奚救

人賞之邑。辭請曲縣繁纓以朝。許之。後孔子聞之。良夫

曰。惜也。不如多與之邑。惟器與名。不可以假人。良夫

如晉乞師。魯臧孫許。諡宣叔。亦乞師于晉。皆主卻克。克

請八百乘。晉侯許之。卻克。將中及士燮。將上軍。士燮



之子。會邑隨。為隨氏。樂書將下韓厥為司馬將以救魯衛。

魯季孫行父帥師會之。師從齊師。至于靡笄之下。春秋

注。靡笄。山名。史記。晉平公伐齊。戰于靡下。徐廣曰。靡。當作歷。志曰。歷山。即左傳所謂靡笄之山也。在歷城縣南。

陳于鞌。邴夏御齊侯。逢丑父為右。晉解張御卻克。鄭邱

緩為右。齊侯曰。吾姑翦滅此而朝食。不介馬而馳之。卻

克傷于矢。流血及屨。未絕鼓音。解張曰。師之耳目。在吾

旗鼓。吾子勉之。左并轡。右援枹而鼓。馬逸不能止。師乘

之。齊師敗績。逐之。三周華不注。山名。在歷城縣東北。伏

鄂不之不同。言此逢丑父與齊侯易位。齊侯乃免。韓厥

山孤秀如花。附也。韓厥獻丑父。卻克曰。人不難以死免其君。殺之不祥。赦

之。晉師從齊師。及馬陘。左傳注。齊邑。春秋彙纂齊侯使

國佐歸父子左傳作賓媚人注國佐也賂以紀甌玉甌也玉磬甌磬皆齊滅紀所得

與地卻克曰必使耕者東畝壟畝皆東西行以利戎車且以蕭同叔

子為質左傳注同叔蕭君字齊侯外祖父子女也難斥言其母故遠言之公羊穀梁俱作蕭同姪子公

羊曰齊君之母穀梁曰蕭同姪子之母范甯集解蕭國也同姓也姪子字也其母更嫁齊惠公生頃公楚人滅

蕭故隨其母在齊國佐曰使耕者東畝則是土齊也晉以齊為已之土地

蕭同叔子齊君之母也齊君之母猶晉君之母也不可

請戰三戰不勝齊子之有也何必質晉人乃許之盟于

袁婁在青州府臨淄縣西博物記臨淄有袁婁使齊人歸魯汶陽之田汶水注見

前田在汶水之北故曰汶陽晉侯使鞏朔獻齊捷于王王弗見使單

子襄公朝辭焉曰兄弟甥舅侵敗王畧王命伐之告事而

已不獻其功所以敬親暱禁淫慝也今叔父克遂有功



于齊而不使命卿鎮撫王室。所使來撫余一人而鞏伯

實來。未有職司于王室。

鞏伯。為上軍大夫。名位不達王室。

又奸先王之

禮。

謂獻齊捷。

余雖欲于鞏伯。其敢廢舊典以忝叔父。夫齊甥

舅之國也。又大師之後也。寧不亦淫從其欲。以怒叔父。

抑豈不可諫誨。鞏朔不能對。王使委于三吏。

左傳注。三公也。左傳

疏。曲禮曰。五官之長曰伯。其擯于天子也。曰天子之吏。是知三公稱吏也。禮之如侯伯克敵。

使大夫告慶之禮。降于卿禮一等。王以鞏伯宴而私賄

之。使相告之曰。非禮也。勿籍。

冬。十有一月。魯侯及楚人。秦人。宋人。陳人。衛人。鄭人。齊人。

曹人。邾人。薛人。

薛。任姓國。注見前。

鄆人盟于蜀。

魯地。今泰安府泰安縣西。有蜀亭。

初。魯宣公求好于楚。會楚莊卒。

子審嗣。是為楚共。

宣公亦卒。

在

王十  
六年。不克作好。及魯侯即位。與晉盟。赤棘之盟在王十七年。赤棘晉地。

衛亦受盟于晉。從伐齊。故楚令尹嬰齊即子重。帥師侵衛。

遂及魯。仲孫蔑往賂公衡。成公為質。楚人許平。于是魯

侯與蔡侯。許男。秦右大夫。說宋華元。陳公孫寧。衛孫良

夫。鄭公子去疾。及齊國之大夫。盟于蜀。是役也。畏晉而

竊與楚盟。謂之匱盟。私竊為盟。盟終不固。匱乏之道也。蔡侯許男乘楚車。謂之失位。故春秋不書。

秋不書。

癸酉  
十有九年。冬。十有二月。晉作六軍。左傳注。僭王也。

韓厥。趙括。鞏朔。韓穿。荀騅。荀氏族。趙旃。皆為卿。賞鞏之功

也。韓厥為新中軍。趙括佐之。鞏朔為新上軍。韓穿佐之。荀騅為新下軍。趙旃佐之。

乙亥  
二十有一年。夏。梁山崩。梁山在陝西同州府韓城縣西北。接卻陽縣界。詩奕奕梁山。爾



雅。梁山晉望。水經注。河水南逕梁山原。是也。

梁山崩。壅河三日不流。晉侯以傳召伯宗。遇絳人問之。

曰。國主山川。故山崩川竭。君為之不舉。降服。遇絳人問之。

車無徹樂。息入音。出次。舍于郊。祝幣。陳玉帛。史辭。自罪責。以禮焉。

如此而已。伯宗遂以告。晉侯從之。

冬。十有一月。王崩。子夷立。是為簡王。

十有二月。晉侯。齊侯。宋公。文公子。魯侯。衛侯。鄭伯。曹伯。邾

子。杞伯。同盟于蟲牢。即桐牢。在河南開封府封邱縣。後漢書郡國志陳留郡封邱有桐牢亭。或

曰。古蟲牢。寰宇記。俗謂之桐渦。

初。晉侯以諸侯伐鄭。鄭公子偃。字子游。禦之。敗諸邱輿。

左傳注。鄭地。使皇戌如楚獻捷。事在王十九年。鄭襄公卒。子費嗣。是為

悼公使公孫申申即叔疆許田。許人敗諸展陂。春秋彙纂注。許地在今河南許州西北。

鄭伯悼公伐許。取鉏任。洽敦之田。春秋彙纂注。俱在許州境。

晉欒書救許伐鄭。楚公子側救鄭。事在王二十年。鄭伯與許男

訟田于楚。鄭伯不勝。歸而請成于晉。于是諸侯盟于蟲

牢。鄭服也。明年。楚公子嬰齊伐鄭。晉欒書帥師救鄭。又

明年。晉侯復盟諸侯于馬陵。衛地。今直隸大名府元城縣有馬陵城。鄭獲

楚鄖公鍾儀。獻諸晉。晉囚鍾儀于軍府。晉侯見之。南冠而縶。使悅之。與之琴。操南音。范文

子曰。楚囚君子也。盍歸之。使合晉楚之成。晉侯重爲之禮而歸之。事在簡王四年。



UNIVERSITY OF TORONTO LIBRARY

從叔侄通金車

卷之三

三

御批歷代通鑑輯覽卷之六

周

簡王

子丙元年。晉遷于新田。今山西平陽府曲沃縣。有絳邑故城。即晉新田地。景公遷都于此。

晉人謀去故絳。左傳注。晉復命新田為絳。故謂此為故絳。諸大夫皆曰。必居

郇瑕氏之地。今山西蒲州府臨晉縣。有瑕城。即郇瑕。晉有二瑕。其一。鄭燭之武所云焦瑕。在河南

陝州閿鄉縣。沃饒而近鹽。音古。說文。鹽。河東鹽池。國利君樂。韓厥

曰。郇瑕水薄土淺。不如新田土厚水深。夫山澤林鹽。國

之寶也。國饒則民驕佚。近寶公室乃貧。民多逐末。田賦不供。不可

謂樂。晉侯從之。遷新田。

吳注見前。子乘。即壽夢。史記。泰伯無子。武王求仲雍之後。得周章。已君吳。因而封之。索隱。壽夢。仲雍十

韓厥謂山澤林鹽。令民驕而公貧。此雖沃土民淫之義。然管仲不用此。以伯齊乎。亦視經理之何如耳。



八代  
孫來朝。

壽夢始立朝王。適楚。觀諸侯禮樂。後與魯侯會于鍾離。

今江南鳳陽府鳳陽縣有鍾離故城。古鍾離子國。問周公禮樂。魯侯悉爲陳之。

因咏歌三代之風。壽夢曰。孤在夷蠻。以椎髻爲俗。豈有斯之服哉。因嘆而去。

丁丑二年。吳入州來。今江南鳳陽府鳳臺縣北。有下蔡故城。春秋州來邑。

初。楚莊圍宋。師還。公子嬰齊請申呂爲賞田。申公巫臣曰。不可。楚莊乃止。嬰齊以是怨巫臣。公子側欲取夏姬。巫臣止之。而自取以奔晉。故側亦怨之。側與嬰齊遂殺巫臣之族。而分其室。巫臣自晉遺二子書曰。余必使爾罷于奔命以死。于是巫臣請使于吳。通吳于晉。教吳戰。

記載異辭考定不若證傳  
證傳又不若微經春秋于  
魯成八年書晉殺其大夫  
趙同趙括不及趙朔也十  
年書晉侯獮卒去同括之  
殺二年而已據此則史記  
所載屠岸賈下宮之討程  
嬰之匿趙孤十五年不問  
而知其為妄不知邵子經  
世書何以採之

庫使之伐楚伐巢今江南廬州府巢縣周巢伯國伐徐至是八州來嬰  
齊側一歲七奔命蠻夷屬于楚者吳盡取之是以吳始  
大通于上國

戊寅三年晉殺其大夫趙同趙括

趙嬰齊通于趙朔之妻莊姬晉成公女趙同趙括放諸齊事在定王

二十一年朔妻以故譖于晉侯曰原屏將為亂晉侯討而殺

之趙武朔之子莊姬出諡文子從姬畜于公宮以其田與祁奚氏

為氏奚獻侯之後食于祁因以祁為氏今太原府祁縣是也韓厥言于晉侯曰成季之

勲謂趙衰宣孟之忠謂趙盾而無後為善者其懼矣乃立武

而反其田史記趙盾卒子朔嗣朔娶晉成公姊為夫人晉景公三年屠岸賈為司寇治靈公之賊攻

趙氏于下宮殺趙朔趙同趙括趙嬰齊滅其族朔妻有  
遺腹走公宮匿免身生男屠岸賈索之朔客公孫杵臼



與朔友程嬰曰。立孤與死孰難。嬰曰。死易。立孤難。杵曰。曰。子彊為其難者。我為其易者。乃取他人兒。匿之。程嬰出。謬告諸將。攻殺公孫杵臼。及孤兒。程嬰以真孤匿山中。居十五年。景公疾。卜之。大業之後。不遂者為祟。公問韓厥。厥知趙孤在。乃曰。大業之後。在晉絕祀者。其趙氏乎。具以實告。公乃以韓厥之眾脅諸將。立趙孤。名曰武。攻屠岸賈。滅其族。與趙武田邑如故。程嬰曰。我將下報趙宣孟。與公孫杵臼。遂自殺。此所載與左傳異。孔穎達春秋正義曰。史記稱趙朔娶成公姊為夫人。案傳。趙衰嫡妻。文公之女。若朔妻成公之姊。則亦文公之女。父之從母。不得為妻。賈服先儒皆以為成公之女。故杜氏從之。史記又稱屠岸賈攻殺趙朔。趙同。趙括。案成二年傳。樂書將下軍。則朔已死矣。不得于此年。與同括俱死。于時晉君明。諸臣強。無容有屠岸賈。賈廁其間。如此專恣。又稱公孫杵臼。取他兒代武死。程嬰匿武山中。因晉侯有疾。韓厥請立武為趙氏後。與左傳背違。其說妄不可從。

己卯

四年。晉人執鄭伯。悼公子成公貽。

楚人以重賂求鄭伯。鄭伯會楚公子成于鄧。注見前。尋鄭伯。

如晉。晉以其貳于楚。執諸銅鞮。今山西沁州有銅鞮故城在州西南。欒書

伐鄭。鄭人使伯蠲行成。晉人殺之。鄭公孫申謀曰。我出

師以圍許。為將改立君者。而紆晉使。晉必歸君。遂圍許。

明年。鄭公子班即子如聞叔申謀。立公子緇。成公庶子。鄭人殺

緇。立髡頑。成公世子。公子班奔許。欒書曰。鄭人立君。我執一

人焉。何益。不如伐鄭而歸其君。晉侯有疾。立世子州蒲。

是為厲公。為君。而會諸侯伐鄭。鄭公子喜字子罕。賂以襄鍾。

鄭襄公之廟鍾。子然穆公子。盟于修澤。今河南懷慶府原武縣有修武亭。亦曰修魚。即春秋

修澤。公子駢字子駟。為質。鄭伯歸。討立君者。殺叔申。及其

弟叔禽。是夏。晉景公卒。

辛巳六年。命王季子單于取鄆田。鄆音侯。今河南懷慶府武涉縣西南有鄆人亭。即周



田。于晉。

晉卻至

即溫季。蒲城鵲居之子。諡昭子。

與王室爭鄆田。王使劉子

康公。即王

季單子

襄公。

訟諸晉。卻至曰。溫吾故也。故不敢失。劉子

單子曰。昔蘇忿生以溫為司寇。厥後蘇氏即狄。又不能

于狄而奔衛。

事見襄王二年。

襄王勞文公而賜之溫。

見襄王十七年。

狐氏

狐毛之子。漆為溫大夫。

陽氏

陽處父居溫。

先處之。而後及子。若治其

故。則王官之邑也。

左傳疏。鄆是溫之別邑。襄王賜晉以溫。不賜以鄆也。鄆本未嘗屬晉。故曰

王官子安得之。晉侯使卻至弗敢爭。

七年

晉士燮及楚公子罷許偃。

皆楚大夫。

盟于宋。

宋華元善于楚公子嬰齊。

時為令尹。

又善于晉欒書。

時將中軍。

聞

楚人既許晉成。

王之四年。晉歸楚鍾儀。楚使公子辰聘晉修好。五年。晉使糴莧如楚報之。

遂

如楚復如晉。合晉楚之成。于是晉士燮會楚公子罷許偃盟于宋西門之外。鄭伯遂如晉受成。

癸未

八年。魯侯來朝。遂會晉侯。齊侯。

頃公子靈公環。

宋公。衛侯。鄭伯。

曹伯。邾人。滕人。伐秦。

初。秦晉將會于令狐。晉侯先至。秦伯

桓公榮。

不肯涉河。次

于王城。使史顆

秦大夫。

盟晉侯于河東。晉卻犇

步揚之子。又名州。亦

曰苦成叔。

盟秦伯于河西。

事在王六年。

秦伯歸而背晉成。又召狄

與楚。欲道以伐晉。于是晉侯使卻錡

克之子。字駒伯。

如魯乞師。

魯侯至京師。以諸侯朝王。遂從王季子。

即劉康公。

成子。

成肅公。

會晉侯。及諸侯之師伐秦。晉侯使呂相

魏錡子。諡宣子。

絕秦。及

秦師戰于麻隧。

在今陝西西安府涇陽縣北。

秦師敗績。獲秦成差。及



不更女父

左傳注。不更。秦爵。

師遂濟涇。及侯麗

春秋彙纂注。侯麗。劉伯莊云。在

涇陽

而還。成肅公卒于瑕。

先是成子受服于社。不敬。劉子曰。民受天地之中以生。所

謂命也。是以有動作禮義威儀之則。以定命也。國之大事。在祀與戎。今成子惰。棄其命矣。其不反乎。

乙酉

十年。晉侯執曹伯。歸于京師。

伐秦之役。曹宣公

名廬。文公。

卒于師。

事在王八年。

曹人使公子

負芻守。公子欣時

即子臧。

逆曹伯之喪。

二子皆宣公庶子。

負芻殺

其太子而自立。

是為成公。事在九年。

至是。晉侯及諸侯盟于戚。執

負芻以歸于京師。諸侯將見子臧于王而立之。辭曰。聖

達節。次守節。為君。非吾節也。敢失守乎。遂逃奔宋。後曹

人請負芻于晉。

事在十一年。

晉人使謂子臧曰。反。吾歸而君。

子臧反。晉釋曹伯。歸自京師。子臧盡致其邑與卿而不

吳通上國晉實啓之晉之  
通吳本欲藉以疲楚不知  
吳既抑楚即將抗晉黃池  
爭長已兆于鍾離之會矣

出。

晉士燮齊高無咎。

固之子。

宋華元魯叔孫僑如衛孫林父。

良夫。

鄭公子魴邾人會吳于鍾離。

鍾離注見前。此會吳之始。亦晉以諸侯之大夫爲會。

始之。

始通吳也。後魯仲孫蔑衛孫林父會吳于善道。

事在靈王四年。

吳使壽越如晉請聽諸侯之好。晉人使魯衛先會。

春秋彙纂注。阮勝之南兗州記云。盱眙。本吳善道地。今盱眙縣。隸江南泗州。

是年諸侯會吳于戚。後又會吳子壽夢于柵。

事在靈王九年。

春秋彙纂注。柵。今山東兗州府嶧縣泖口是也。

諸侯之大夫又會吳

于向。

事在靈王十三年。向。鄭地。今開封府尉氏縣西南有向城。

丙戌十有一年夏六月丙寅朔日有食之。

晉侯及楚子鄭伯戰于鄢陵。

鄢陵。見前。

楚子鄭師敗績。



先是楚將北師。

事在王十年。

公子貞

卽子囊楚莊子。

曰新與晉盟而

背之不可。

公子側曰敵利則進何盟之有。楚子遂侵鄭。

及暴隧。

鄭地。路史曰。暴辛公采邑。後爲鄭有。

復侵衛及首止。

注見前。

鄭公子

喜侵楚取新石。

春秋彙纂注。楚邑。在今南陽府葉縣界。

至是楚以汝陰之

田。

汝水南近鄭之田。

求成于鄭。鄭叛晉使公子騂從楚盟。于是

晉侯將伐鄭。士燮不欲。欒書曰。不可以當吾世而失諸

侯。師遂起。鄭人聞有晉師。使告于楚。楚子救鄭。遇于鄢

陵。士燮曰。惟聖人能內外無患。自非聖人。外寧必有內

憂。盍釋楚爲外患乎。甲午晦。楚晨壓晉軍而陳。欒書曰。

楚師輕窕。固壘而待之。三日必退。退而擊之。必獲勝。郤

至曰。楚有六間。

二卿相惡。王卒以舊。鄭陳而不整。蠻軍而不陳。陳不遠晦。在陳而罷。不可

失也。苗賁皇言于晉侯曰：「楚之良在其中軍王族而已。請分良以擊其左右，而三軍萃于王卒，必敗之。」晉侯從之。及戰，魏錡射楚子中目。楚子召養由基與之兩矢，使射錡。中項伏強，以一矢復命。楚師薄于險，晉囚其公子茂。卻至從鄭伯，鄭伯之御石首，納旌于強中，乃免。旦而戰，見星未已。楚公子側命軍吏察夷傷，補卒，乘雞鳴而食，將復戰。穀陽豎獻飲于側，側醉。楚子召之，不能見。楚子曰：「天敗楚也夫。」乃宵遁。晉入楚軍，三日穀。士燮立于戎馬之前，曰：「君幼，諸臣不佞。」不才也。何以及此？君其戒之。楚師還，公子側自殺。

丁亥十有二年冬十有二月丁巳朔，日有食之。晉殺其大夫卻錡、卻驥、卻至。



晉侯多外嬖。反自鄢陵。欲盡去羣大夫而立其左右。胥

童、夷陽五

國語作夷陽午。

長魚矯三人俱怨卻氏。

胥童、胥克子。卻缺為政。廢

胥克。卻錡奪夷陽五田。卻欒

與長魚矯爭田。執而梏之。而嬖于晉侯。欒書以卻至

不從已而敗楚師。

鄢陵之戰。欒書欲固壘。卻至言楚有六間。必克之。欲廢之。使

楚公子茂

鄢陵之戰所獲。

告晉侯曰。此戰也。卻至實召寡君。曰。

此行必敗。吾奉孫周

晉襄公之曾孫。

以事君。晉侯告欒書。書曰。

其有焉。盍使諸周而察之。卻至聘于周。欒書使孫周見

之。晉侯使覘之。信。遂怨卻至。胥童、夷陽五帥甲八百將

攻卻氏。長魚矯請無用眾。晉侯使清沸魋

亦嬖人。助之。三

卻將謀于榭。矯殺卻錡。卻欒于其位。卻至欲逃。矯及諸

其車殺之。胥童以甲劫欒書中行偃。

即荀偃。荀庚之子。荀林父嘗為中行。

遂以官為氏于朝請殺之晉侯弗許矯曰不殺二千變必反

君遂出奔狄晉侯使書偃皆復其位初三卻害伯宗

卻氏其不免乎善人天地之紀也而驟絕之不亡何後伯宗每朝其妻必戒之曰溢州士人民怨其上子好立言必及于難伯宗死子州犁奔楚

戊子十有三年晉弑其君州蒲

晉侯使胥童為卿遊于匠麗氏嬖人嬖家樂書中行偃執晉

侯召士句士變之子士句辭召韓厥厥曰二三子不能

事君焉用厥也樂書中行偃殺胥童使程滑晉大夫弑晉

侯葬之于翼東門之外以車一乘先是諸侯伐鄭會于柯陵周單襄公見晉

侯視遠步高卻錡見其語犯卻犢見其語迂卻至見其語伐單子曰晉將有亂其君與三卻當之乎君子目以定體足以從之今晉侯目不在體而足不步目其心必異矣卻氏晉之寵人也三卿而五大夫可以戒懼矣今



國語之舉公孫周未免太過然觀其初至清原時數詔而帖強臣其才固有大過人者朱子謂其儘勝桓文惜其冲齡入嗣在位不久而其臣又不過荀釐魏絳之徒故僅成三駕之功而不能更有所進也

徐氏歷代通鑑輯覽卷之六

郤伯之語犯叔迂季伐犯則陵人迂則誣人伐則擯人有是寵也而益之以三怨誰能忍之未幾晉殺三郤及是厲公被弑

晉逆公孫周于京師立之是為悼公史記晉襄公少子捷生周韋昭國語注晉不畜羣公子故談子周適周事單襄公

晉欒書中行偃既弑厲公使荀釐即智武子荀首別邑于智故又以智為氏

士魴土會子亦曰彘共子逆周子于京師而立之十四年矣國語

周事單襄公立無跋視無旋聽無聳言無遠晉國有憂未嘗不戚有慶未嘗不怡襄公疾召其子頃公而告之

曰必善晉周將得晉國其行也文能文則得天地天地所胙小而後國晉仍無道而鮮胄其將失之矣必蚤善

晉子其當之也大夫逆于清原注見前周子曰孤始願不及此雖

及此豈非天乎抑人之求君使出命也立而不從將安

用君二三子用我今日否亦今日共而從君神之所福

也。對曰：羣臣之願也，敢不唯命是聽。盟而入朝于武宮。

逐不臣者七人。二月，卽位于朝。始命百官。施施恩舍舍勞。

役已責。責止逋振廢滯，禁淫慝，薄賦斂，宥罪戾，使魏相卽。

相佐士魴。將新魏頡。魏顗子。別趙武。與頡俱爲卿。荀家

下軍。士魴。爲令狐氏。趙武。佐新軍。爲卿。荀家

樂驥。韓無忌爲公族大夫。使訓卿之子弟。士渥濁爲太

傅。修士會之法。右行辛爲司空。修士蔣之法。樂糾御戎。

使訓諸御。荀賓爲右。使訓勇力之士。祁奚爲中。軍尉。羊

舌職佐之。魏絳爲司馬。張老爲候奄。鐸遺寇爲上軍尉。

籍偃爲司馬。使訓卒乘。程鄭爲乘馬禦。使訓羣驪。荀

家。荀會。荀賓。皆荀氏族。樂驥書之子。韓無忌。厥之子。右

行辛。其先將右行。以官爲氏。樂糾亦曰弁糾。樂氏族。羊

舌職。晉武公曾孫突爲羊舌大夫。遂以爲氏。職。叔向父。

魏絳。驥之子。籍偃。其先伯驥。司晉典籍。以官爲氏。程鄭。荀氏別族。羣驪。謂諸掌駕之官。凡六官之

長皆民譽也。

巳十有四年。晉欒黶。宋華元。魯仲孫蔑。衛甯殖。俞之孫曹



人。莒人。邾人。滕人。薛人。圍宋彭城。注見前。

初宋司馬蕩澤。蕩氏。宋桓公子。蕩之後。澤亦曰子山。殺公子肥。宋文公子。華元

為右師。出奔晉。魚石。公子魚會孫。時為左師。止之于河上。華元遂復

入。以國人攻蕩氏。殺澤。于是魚石及向為入。宋桓公子。時為大司寇。鱗朱。桓公子鱗元孫。以名。向帶。時為

魚府。時為少宰。俱出奔楚。事在王十年。楚子鄭伯伐宋。取彭城。魚

石遂入于彭城。向為入。鱗朱向帶。魚府亦入。楚以三百乘戍之而還。宋老佐。戴

五世孫。時為司馬。及華喜。華父督元孫。帥師圍之。楚令尹嬰齊

救彭城。伐宋。宋華元如晉告急。韓厥為政。曰。欲求得人。

必先勤之。成霸安疆。自宋始矣。晉侯遂以師救宋。遇楚

師于靡角之谷。左傳注。宋地。楚師還。晉使士魴如魯乞師。魯

師于靡角之谷。左傳注。宋地。楚師還。晉使士魴如魯乞師。魯

仲孫蔑會諸侯于虛春秋彙纂注。虛打。補注陽。或云。即宋之虛。在今睢州界。謀

救宋事在王十三年。是年魯成公卒。子午嗣。是為襄公。至是。諸侯之大夫圍彭

城。彭城降晉。晉人以宋五大夫在彭城者歸。寘諸瓠邱。

即壺邱。亦曰陽壺。其故城在今山西絳州垣曲縣。

王崩。太子泄心立。是為靈王。

靈王

庚寅元年。晉荀罃齊崔杼天之子。宋華元。魯仲孫蔑。衛孫林父。

曹人。邾人。滕人。薛人。小邾人。曹姓。邾。後。封于邾。今山東兗州府滕縣。邾城是也。本

附庸。後進爵小邾子。會于戚。遂城虎牢。戚。虎牢。注。俱見前。

初。諸侯會于沙隨。今河南歸德府寧陵縣沙隨城是。尹子周尹武公。及晉侯。

厲公。以諸侯伐鄭。事在簡王十一年。既而鄭公子駢侵晉虛滑。



左傳注。晉

衛北宮括

即懿子。衛成公會孫。

侵鄭。至于高氏。

今河南開封府

禹州有

楚人戍鄭。尹子單子。

單襄公朝。

會晉侯。

亦厲公。

及諸侯。

盟于柯陵。

左傳注。鄭西地。

以伐鄭。楚公子嬰齊救之。諸侯師還。

尋又伐鄭。楚再救之。

諸侯復還。

事在簡王十二年。

彭城之役。晉

韓厥帥諸侯之師伐鄭。入其郛。敗其兵于洧上。

事在簡王十四

年。洧水。出河南府登封縣馬嶺山。經鄭州。許州。合溱水。為雙河。

至是。鄭伯疾。公子駢

請息肩于晉。鄭伯不可。既卒。

子髡頑嗣。是為僖公。

晉師。宋師。衛師

侵鄭。鄭人不從。晉乃會諸侯之大夫于戚。以謀鄭。魯仲

孫蔑曰。請城虎牢。以偪鄭。晉人從之。鄭乃行成。明年。單

子會。晉侯及諸侯。盟于雞澤。

今直隸廣平府雞澤縣西。南有會盟臺。即春秋諸侯

盟處。為鄭服故也。

晉侯之弟揚干。亂行于曲梁。魏絳戮其僕。晉侯怒。謂羊舌赤曰。必殺魏絳。無失

祁奚之舉外內不避後世  
率以為賢然必舉者祁奚  
其人而所舉者又狐午其  
人然後可否則外舉務為  
名高內舉徇於所溺藉口  
古人適以濟私又何取焉

晉魏絳和戎五利與漢趙  
充國屯田十二事意同而  
辭亦類絳之語簡以該充  
國之語詳以盡然以言內  
弱而外強之時耳若夫知

也對曰絳事君不避難有罪不逃刑其將來辭言終魏  
絳至授僕人書將伏劍公讀其書曰臣聞師眾以順為  
武軍事有死無犯為敬君合諸侯臣敢不敬臣懼其死  
以及揚干無所逃罪請歸死于司寇公跣而出曰寡人  
之言親愛也吾子之討軍禮也子無重寡人之後二年  
過反役使絳佐新軍羊舌赤字伯華職長子後二年  
晉侯復會諸侯于戚鄭伯皆來會史記晉會諸侯于雞  
澤悼公問羣臣可用  
者祁奚舉解狐解狐奚之仇復問舉其子午君子  
曰祁奚可謂不黨矣外舉不隱仇內舉不隱子

壬辰

三年晉大夫魏絳盟諸戎

無終子嘉父

無終山戎國名子爵嘉父字也今順天府薊州有無終故城即無終子國使孟

樂無終

之臣如晉因魏絳納虎豹之皮以請和諸戎晉侯曰

戎狄無親而貪不如伐之魏絳曰諸侯新服將觀于我

我德則睦否則攜貳勞師于戎諸華必叛晉侯曰然則

莫如和戎乎對曰和戎有五利焉戎狄薦聚也

居貴貨



幾制勝能自樹立者固不可執一而論矣

易

輕也。

土土可賈焉。一也。邊鄙不聳。民狎其野。穡人成

功二也。戎狄事晉。四鄰振動。諸侯威懷。三也。以德綏戎。

師徒不勤。甲兵不頓。四也。鑒于后羿。

有夏之衰。羿因夏民以代夏政。其臣

寒浞殺之。而用德度。遠至邇安。五也。君其圖之。晉侯說

乃使魏絳盟諸戎。

巳癸巳四年。諸侯戍陳。

初。楚公子壬夫

即子辛。

為令尹。侵欲于小國。

多欲無厭。害小國。鷄

澤之盟。陳侯使袁僑

左傳注。轅濤塗。四世孫。

如會求成。

事在二年。楚司

馬公子何忌遂侵陳。會陳成公卒。

子溺嗣。是為哀公。

楚人聞喪。

乃止。陳人卒不聽楚命。楚彭名侵之。使頓

今河南陳州府項城縣北。

有南頓故城。古頓子國。漢書地理志。應劭注。頓迫于陳。其後南徙。故號南頓。

間陳而伐之。陳

人圍頓。事在三年。至是。晉侯合諸侯于戚。以戍陳。楚令尹公

子貞。楚人討陳叛故。知由令尹子辛。乃殺子辛。而以子囊為令尹。帥師伐陳。晉士魴

討貳而疾伐陳。陳近于楚。能無往乎。晉侯復合諸侯于城棣。今河南開封。有南棣。北棣。二

城。即春秋城棣。以救之。後楚公子貞圍陳。晉侯率諸侯

會陳侯于鄆。是時。鄭伯會鄆。公子騂相。使賊夜弑鄭伯。以瘡疾赴于諸侯。立子嘉。是為簡公。鄆。鄭

地。陳人患楚。使告陳侯于會曰。君若不來。羣臣不忍宗

廟社稷。懼有二圖。陳侯逃歸。事在王六年。

丁酉八年。晉侯。宋公。魯侯。衛侯。曹伯。莒子。邾子。滕子。薛伯。杞

伯。小邾子。齊世子光。伐鄭。同盟于戲。即戲童。在河南開封。府汜水縣南。水經注。

汜水出浮戲之山。是也。

鄭既與晉成。公子發。即子國。穆公子。公孫輒。即子耳。穆公孫。侵蔡。獲其

記。卷之三。周靈王

二



司馬公子燮

蔡莊公子

諸侯會于邢邱

即今河南懷慶府溫縣平臯故城漢書地理志河南郡平

臯晉曰邢邱

鄭伯獻捷以聽命

是會晉侯以命朝聘之數使諸侯之大夫

聽命魯季孫宿齊高厚宋向戌衛甯殖邾大夫會之

季孫宿行父之子諡武子高厚固之子向戌宋桓公子

胙之

孫

于是楚公子貞帥師伐鄭

子駟曰姑從楚以紓吾民晉師至吾又從之犧

牲玉帛陳于二境以待强者而庇民焉子展曰小所以事大信也晉君方明四軍無闕八卿和睦必不棄鄭不

如完守以老楚驂受其咎鄭及楚平

事在王七年

晉侯率諸

侯伐鄭師于汜

鄭有二汜東汜在新鄭南汜在襄城鄭此東汜也秦晉圍鄭秦軍汜南即此鄭

人恐復行成于晉中行偃曰遂圍之以待楚人之救而

與之戰智罃曰許之盟而還師以敝楚吾三分四軍與

諸侯之銳以逆來者于我未病楚不能矣猶愈于戰乃

許鄭成同盟于戲晉師還晉侯謀所以息民者魏絳請

施舍。自公以下。苟有積者。盡出之。國無滯積。亦無困人。

公無禁利。亦無貪民。所以幣更。不用賓以特牲。器用不

作。仍其舊車服從給。止足給事行之期年。國乃有節。三駕而楚

不能爭。左傳注。三駕。三與師也。一師于牛首。二師于向。三觀兵于鄭東門。自是鄭遂服。

戊戌九年。晉侯使士匄平王室。

先是。王使王叔陳生。王叔。周卿士。愬戎于晉。王叔貳于戎。晉

士魴執之以如京師。事在四年。及是。王叔與伯輿。王卿士。爭政。

王右伯輿。王叔怒而出奔。及河。王復之。不入。晉侯使上

句平王室。王叔之宰。與伯輿之大夫瑕禽。坐獄于王庭。

士匄聽之。曰。天子所右。寡君亦右之。所左。亦左之。使王

叔與伯輿合要。王叔不能舉其契。春秋疏。使其兩相辨。答。伯輿詞直。王叔不



能舉要契 王叔奔晉單子頃公子靖公為卿士以相王室

己亥 十年魯作三軍

侯國制應二軍然費誓稱魯人三郊三遂說者以為大國三軍之証則魯有三軍舊矣魯領兵車千乘公徒三萬即三軍也然前此屬之公家而自季孫宿三分公室之後三軍皆歸私家此春秋所以書作歟

魯季孫宿告叔孫豹得臣之請為三軍左傳注魯上下二軍皆屬于公

有事三卿更率以征伐季氏欲專各征其軍豹不欲宿

其民人故假立中軍因以改作固請之乃盟諸僖閔僖公廟門詛諸五父之衢元和志五父衢在曲阜縣

東正月作三軍三分公室各有其一三子各毀其乘各自

壞其舊時車乘分以足季氏使其乘之人以其役邑入

者無征春秋疏役謂共官力役則今之丁也邑謂賦稅若今之租調也以其役與邑皆來季氏者則公

室無不入者倍征若不入季氏者則使公家孟氏使半

為臣若子若弟取其子弟之半為臣四分其叔孫氏使

盡為臣盡取子弟以其父兄歸公

傳稱悼公三駕楚不能爭然考牛首以後晉楚並未交兵者十二年此非晉能制楚也蓋以吳乘楚後力有不暇故鄭亦一意從晉耳說者以成虎牢為得控制之宜殊未曉當日情事

晉侯宋公魯侯衛侯曹伯齊世子光莒子邾子滕子薛伯杞伯小邾子伐鄭會于蕭魚春秋彙纂注蕭魚鄭地路史曰少昊後嬴姓國修魚即蕭魚也

戲之盟晉人不得志于鄭復以諸侯伐之門其三門而

還尋楚子伐鄭鄭又及楚平子駟將與楚成子孔子驕背之可乎于駟子展曰要盟無質背之可也乃及楚平

事在王八年子孔即公子嘉穆公子子驕即公孫董

之子使公孫輒從楚公子貞伐宋又使皇耳子皇戌侵衛

衛人追之獲輒復受楚令伐魯圍蕭克之魯仲孫蔑曰鄭其有災乎

耳于犬邱師競于是晉侯會諸侯伐鄭師于牛首初鄭子駟與尉已甚

禦諸侯之師而黜其車尉止獲又抑之弗使獻尉止乃帥賊攻西宮之朝殺子駟子國子耳却鄭伯以如北宮

子國之子子產攻盜于北宮殺尉止牛首諸侯之師今河南開封府牛首城是子產即公孫僑



城虎牢而戍之。晉師城梧。春秋彙纂注。梧。杜預曰。鄭地。案隋書。滎陽縣有梧桐澗。或

即是。及制。即成臯。在開。封府滎陽縣。士魴。魏絳戍之。鄭及晉平。此三。駕之。

一。楚公子貞救鄭。諸侯之師還。繞也。鄭而南。楚師不退。

師遂進。與楚夾潁。潁水。出河南登封縣潁谷。至江南潁上縣入淮。而軍。鄭公孫

董與楚人盟。子蟜曰。諸侯必不戰矣。從之將退。不從亦退。楚必圍我。不如從楚。亦以退之。宵涉

潁。與楚人盟。欒黶欲伐鄭師。荀罃不可。侵鄭北鄙而歸。楚人

亦還。事皆在王九年。鄭公孫舍之。即子展之子。侵宋。鄭人患晉楚之故。諸大夫

曰。楚弱于晉。何由而使晉師致死于我。楚弗敢敵。而後可固與也。子展曰。與宋為惡。諸侯必至。吾從之盟。楚師

至。吾又從之。則晉怒甚矣。晉能驟來。楚將不能。吾乃固與晉。大夫說之。于是子展遂侵宋。以致諸侯。晉侯

復會諸侯。師于向。注見前。伐鄭。鄭人行成。同盟于亳城北。

此三駕之二。亳城。西亳也。在今偃師。楚公子貞乞師于秦。以伐鄭。鄭伯逆。

之伐宋。晉侯乃會諸侯。悉師以復伐鄭。觀兵于鄭東門。

鄭使良霄。

即伯有之子耳。之子考左傳。鄭七穆皆穆公子。子良之後為良氏。子游之後為游氏。子國之後為國氏。子罕之後為罕氏。子駟之後為駟氏。子印之後為印氏。子豐之後為豐氏。皆以字為氏。

石孟如楚。告將服于晉。

楚人執之。後復歸于鄭。使王子伯駢行成。

晉趙武入盟鄭伯。鄭公孫舍之出盟晉侯。會于蕭魚。

是為

三駕赦鄭囚。皆禮而歸之。鄭人賂晉侯以師捰。師觸。師蠲。

皆樂歌鐘二肆。肆。列也。縣鐘十六為一肆。二肆。三十二枚。及其鏜磬。女樂二

八。晉侯以樂之半賜魏絳。曰。子教寡人和諸戎以正諸

夏。八年之中。九合諸侯。史記集解。服虔曰。九合。一會。戚二會。城棣。三會。鄆。四會。邢邱。五

盟戲。六會。桓。七戌。虎牢。八盟。亳城。九會。蕭魚。如樂之和。無所不諧。請與子樂

之辭曰。國之福也。君之靈也。二三子之勞也。臣何力之



有焉。抑臣願君安其樂而思其終也。書曰：居安思危，思則有備，有備無患。敢以此規。晉侯曰：子之教，敢不承命。賞則不可廢也。子其受之。魏絳于是有金石之樂。晉悼公復霸。

庚十有一年。吳子乘卒。

壽夢四子。長諸樊。

春秋經書過。

次餘祭。

左傳作戴。

次餘昧。

左傳作夷末。

次季札。季札賢。壽夢欲立之。季札讓。乃立諸樊。諸樊已

除喪。讓位季札。季札辭曰：曹宣公之卒，諸侯不義，曹君

成公負芻也。事見簡王八年。

將立子臧。子臧去之。君子曰：能守節，札

雖不才，願附子臧，以無失節。固立之，棄其室而耕。乃舍

之。

春秋時風教衰微，擯奪相尋，廢親蔑義，其能超然遠引者，惟魯叔肝、曹子臧、衛子鮮及季札數人耳。歐陽修撰五代史，僅得獨行者三人，春秋時亦然。

丑 十有二年。晉復三軍。晉于三軍之外。作三行。又作六軍。至是始復大國三軍之制。

晉侯蒐于綿上。

即綿上聚。注見前。

以治兵。使荀偃將中軍。士句

佐之。趙武將上軍。韓起

韓厥子。諡宣子。

佐之。欒黶將下軍。魏絳

佐之。新軍無帥。晉侯難其人。使其什吏率其卒乘官屬。

以從于下軍。明年荀偃以諸侯之師伐秦。無功而還。

謂之遷延之役。

遂舍新軍。

伐秦之役。欒黶之弟鍼與士鞅馳秦師。鍼死。士鞅反。欒黶欲殺鞅。鞅奔秦。

秦伯問晉大夫誰先亡。對曰。欒氏。其在盈乎。秦伯曰。何故。對曰。武子之德在民。足庇其子。欒黶死。盈之善未能及人。武子所施沒矣。而黶之怨實章。將于是乎在。秦伯以爲知言。請于晉而復之。士鞅即范獻子句之子。

寅 十有三年。春二月乙未朔日有食之。

衛侯出奔齊。

衛侯戒孫林父甯殖食。皆服而朝。日旰不召。而射鴻于

衛侯戒孫林父甯殖食。皆服而朝。日旰不召。而射鴻于



圉。二子從之。不釋皮冠而與之言。二子怒。林父如戚。戚。卽戚城。

戚城。林父食邑。自獻公之立。林父置其重器于戚。而善晉大夫。孫蒯文子。蒯之子。入使。衛侯飲

之酒。使大師歌巧言之卒章。左傳注。巧言詩。卒章曰。彼何人斯。居河之麋。無拳無

勇。職爲亂階。公以喻文子。居河上而爲亂。大師辭。師曹請爲之。初。公有嬖妾。使師曹誨之。

琴。師曹鞭之。公怒。鞭師曹三百。故師曹欲歌此。以怒孫子而報公。衛侯使歌之。遂誦之。

恐孫蒯解故。蒯懼。告林父。林父曰。君忌我矣。弗先必死。遂入

告蘧瑗。衛大夫。字伯玉。對曰。君制其國。臣敢奸之乎。遂行。從近

關出。衛侯使子蟜。子伯。子皮。三子皆羣公子。與林父盟。林父殺

之。衛侯如鄆。注見前。使子行。亦羣公子。于林父。又殺之。衛侯出

奔齊。齊人以邾寄衛侯。其復也。以邾糧歸。邾卽萊國。齊滅之爲邑。今山東萊州府掖縣是。衛人

立公孫剽。字子叔。穆公孫。是爲殤公。孫林父甯殖相之。以聽命于諸

溟梁之會諸侯皆在而大  
夫主盟說者以為春秋之  
大升降然大夫之盟蓋不  
始此前此盟吳於向盟陳  
於雞澤皆大夫也追而溯  
之翟泉之盟王人在晉文  
時已然易曰履霜堅冰至  
其所自來者漸矣

侯。晉侯問衛故于中行偃。對曰：衛有君矣。伐之未可以其定衛以待時乎。于時會于戚以謀定衛。

癸卯十有四年秋八月丁巳日有食之。

甲辰十有五年晉侯宋公魯侯衛侯

傷公

鄭伯曹伯莒子邾

子薛伯杞伯小邾子會于溟梁。

爾雅：梁莫大于溟梁。梁水隄也。今河南懷慶府

濟源縣有溟水。東逕孟縣入河。大夫盟。

晉悼公卒。子彪立。

是為平公。

既葬。會諸侯于溟梁。宴于溫。使

諸大夫舞。曰：歌詩必類。齊高厚之詩不類。荀偃怒曰：諸

侯有異志矣。使諸大夫盟高厚。高厚逃歸。于是晉荀偃

宋向戌魯叔孫豹衛甯殖鄭公孫蠆小邾之大夫盟曰：

同討不庭。



張氏洽曰春秋魯莊公十三年以前禮樂征伐自諸侯出而權未一也自桓文繼霸列國之政齊晉專之然猶在諸侯也自湟梁以後則皆曰大夫出矣故春秋于此書大夫盟著世變之益降也

丙午十有七年晉侯宋公魯侯衛侯鄭伯曹伯莒子邾子滕

子薛伯杞伯小邾子同圍齊

齊貳于晉

土句假羽毛于齊而弗歸齊人始貳羽毛王者游車之旌齊私有之故假焉

故伐

魯圍成

事在王十四年成魯邑今山東兗州府寧陽縣東北有成城

湟梁之會高厚

逃歸齊再伐魯魯使叔孫豹如晉言齊故

事在王十五年

齊人

以未得志于魯圍桃

今兗州府汶上縣桃鄉故城是

及防

高厚圍臧紇于防卿叔紇

臧疇臧賈帥甲三百宵犯齊師齊師去之獲臧堅齊侯使夙沙衛唁之令無死堅不可以杙抉其傷而死防

注見前臧紇即武仲文仲孫卿叔紇即叔梁紇臧疇臧賈武仲昆弟復使邾人伐魯南鄙

事在王十六年齊人又伐魯北鄙于是晉侯伐齊濟河會諸侯

于魯濟。

古濟水。經齊魯之地。在齊者為齊濟。在魯者為魯濟。

尋溴梁之言。同伐齊。

齊侯禦諸平陰。

今山東泰安府平陰縣。有故城。在縣東北。即春秋齊邑。

塹防門而

守之廣里。

防門。在今平陰縣東北。水經注。防門北有光里。齊人音廣與光同。即春秋所謂守之廣里

也。夙沙衛

齊靈公寺人。

曰。不能戰。莫如守險。弗聽。者侯之士

門焉。齊人多死。齊侯登巫山。

在今泰安府肥城縣西北。亦曰孝堂山。

以望

晉師。晉人使司馬斥山澤之險。雖所不至。必旆而疏陳

之。

斥。候也。疏。建旌旗。以為陳示眾也。

使乘車者左實右偽。以旆先。

偽。以衣服。

為。人形。建旆。以先驅。

輿曳柴而從之。齊侯見之。畏其眾也。乃脫歸。

夜遁。

師曠告晉侯曰。鳥鳥之聲。樂齊師其遁。邢伯告中行伯曰。有班馬之聲。齊師其遁。叔向告晉侯曰。城

上有鳥。齊師其遁。師曠。晉樂師。邢伯。韓氏。諸侯之師。別族。中行伯。即獻子。叔向。即羊舌肸。職次子。

入平陰。從齊師。遂克京茲。

在平陰縣東南。

克邾。

今平陰縣西邾山是。圍盧。



今濟南府長清縣有門于雍門齊城焚之及郭秦周伐

盧城春秋齊盧邑焚之范鞅之御以戈殺犬于門中孟莊子斬其櫛以為公

琴焚雍門及西郭南郭又焚申池之竹木及東郭北郭

子孟莊子即仲孫速獻又門于揚門齊西及東閭齊東

齊侯駕將走郵棠今萊州府平度州東南有棠鄉亦曰甘棠社即郵棠太子與郭

榮齊大夫扣馬曰師速而疾畧也將退矣君何懼焉且社

稷之主不可以輕乃止諸侯東侵及濰地理今釋濰水出東山莒州濰

山土人名為淮河東流折南及沂沂水注見前舊入于

北至萊州府昌邑縣入海泗今東流逕江南宿

遷縣濰為明年還自沂上盟于督揚春秋經諸侯盟于

督揚即祝柯也祝是秋齊靈公卒故太子光立是為

柯即祝阿注見前是秋齊靈公卒公初靈公娶于魯曰

顏懿姬無子其姪驪聲姬生光以為太子既而廢光立

所嬖之子牙使高厚傅之風沙衛為少傅靈公疾崔杼

微逆光疾病而立之靈公卒莊公即位執子牙崔杼

杼設高厚風沙衛以高唐叛圍而克之醢衛于軍晉士

句帥師伐齊及穀注見前聞齊喪乃還

楚公子午字子庚帥師伐鄭

鄭公子嘉欲去諸大夫將叛晉而起楚師以去之使告

楚令尹午午弗許楚子使人問之午對使者曰諸侯方

睦于晉臣請嘗之若可君繼之不可收師而退可以無

害君亦無辱午遂帥師治兵于汾今許州襄城縣東北有汾邱城戰國策楚

北有汾陘之塞是也于是鄭公孫蠆良霄公孫黑肱字子張穆公

從鄭伯伐齊嘉及公孫舍之公孫夏字子西子守二子

知嘉謀完守入保嘉不敢會楚師楚師門于純門注見前

信再宿也于城下而還涉于魚齒之下魚齒山在今河南汝州寶豐縣東南

其下有澧水故曰涉甚雨及之楚師多凍役徒幾盡晉人聞有楚



師。師曠曰：不害。吾驟歌北風，又歌南風。南風不競，楚必

無功。董叔

晉大夫。

曰：天道多在西北。

歲在豕韋，月又建亥，故曰多在西北。

一名姬訾。

南師不時，必無功。羊舌肸

時為太傅。

曰：在其君之

德也。明年，鄭人患嘉專政，討純門之難。公孫舍之、公孫

夏遂殺嘉而分其室，舍之當國。夏聽政，立公孫僑為卿。

戊申

十有九年冬十月丙辰朔，日有食之。

巳酉

二十年，晉欒盈出奔楚。

初，欒黶娶于范匄。

即土匄。范，釋見後。

生盈。范鞅以其亡秦也。

范鞅

奔秦事見前。

怨欒氏，故與盈共為公族大夫而不相能。欒黶

卒，欒祁

即欒妻。范匄女。范氏，堯後，故祁姓。

與其老州賓通，幾亡室。

言亂也。

矣。盈患之，祁懼討，愬于匄。曰：盈將為亂，鞅為之徵。盈素

好施士多歸焉。句因其多士也，信之時，盈佐下軍。句使

城著。左傳注。晉邑。而逐之。盈出奔楚。句殺其黨。箕遺黃淵嘉父。司空靖。祁

豫董叔。祁師。申書。羊舌虎叔罷。于是知起中行。喜州綽。邢蒯俱出奔齊。十子皆晉大夫。欒盈之黨。羊舌虎叔

向。弟。囚籍偃。羊舌赤。羊舌肸。祁奚言肸于句。乃免。叔向曰。祁大夫

外舉不棄讐。內舉不失親。其獨遺我乎。于是祁奚老矣。聞之。乘駟而見范宣子。曰。謀而鮮過。惠訓不倦者。叔向

有焉。社稷之固也。猶將十世宥之。以勸能者。若之何。以虎也。棄社稷。宣子說。與之乘。以言諸公而免之。不見叔

向而歸。叔向亦不告免焉而朝。

秋九月庚戌朔日有食之。

冬十月庚辰朔日有食之。

晉侯齊侯宋公魯侯衛侯鄭伯曹伯。成公子。武公滕。莒子邾子會

于商任。左傳注。地闕。



錮欒氏也。明年復會于沙隨。

注見前。

以錮之。

庚戌

二十有一年冬十月庚子孔子生。

是年為魯襄公二十二年。

孔子之先宋人也。

家語孔子宋之後宋襄公熙生弗父何及厲公方祀弗父以下世為宋卿。

何生宋父周周生勝勝生正考父考父生孔父嘉五世

親盡別為公族故後以為氏焉。孔父生子木金父金父

生畢夷畢夷生防叔防叔生伯夏伯夏

避華氏之禍而奔魯父叔梁紇。家語防叔生伯夏伯夏

年晉伐偃陽偃陽人啟門諸侯之士門焉縣門發。郕人

紇挾之以出門者。又襄公十七年。郕叔紇帥甲三百宵

犯齊師。孔安國曰。郕孔母顏氏。家語叔梁紇生九女無

子。父叔梁紇所治邑。母顏氏。子其妾生孟皮有足疾。

乃求婚于顏氏。顏氏三女其小曰徵在。顏父問三女曰。

耶大夫聖王之裔其人身長十尺武力絕倫。雖年大性

嚴不足為疑。三子孰能為之妻。徵在進曰。從父所制。父

曰。卽爾能矣。遂以妻之。徵在既廟兄以夫之年長懼不

時有男而私禱。以是年庚戌之歲十月庚子生孔子。

公羊傳。魯襄公二十一年冬十有一月庚子孔子生。穀梁傳。

二十一年冬十月庚子孔子生。考是年十月為庚辰朔。

經有明文。則庚子為二十一日。迄六旬而再得庚子。則當在十二月。不得在十一月也。杜預左傳注。孔子魯襄公二十二年生。至哀公十六年。七十三歲也。羅泌路史餘論。公羊子言十一月。是月固無庚子。孔氏家譜。祖庭記俱云。二十二年十月庚子。乃二十七日。周正十月。乃今之八月。今定著八月二十七日。為先聖孔子生日。羅氏之論如此。今以杜預春秋長歷合之。是年酉月。為甲戌朔。自甲戌推至庚子。為二十七日。酉月。今八月。周十月也。于魯昌平鄉鄆邑。括地志。昌平山在泗水縣南。孔子也。昌平山在曲阜縣東南。其東即尼山。又東為顏母山。連泗水。鄉縣界。鄆邑。今曲阜縣東南。鄆城是也。孔子生而圩頂。因名焉。為兒嬉戲。陳俎豆。設禮容。及長。為委吏。料量平。為司職吏。金氏前編注。職。讀為機。繫養犧牲之所。畜蕃息。魯仲孫矍。即孟僖子。孟莊子。庶子。孝伯。錫之子。使其子何忌。孟懿子。與南宮适。居南宮。因氏。字子容。諡敬叔。懿子庶兄。往學禮焉。史記。孟僖子病。誠其嗣懿子。曰。仲尼。聖人之後。滅于宋。其祖弗父何。當有宋而讓厲公。及正考父。佐戴武宣三命。滋益恭。故鼎銘云。一命而僂。再命而傴。三命而俯。



循牆而走亦莫余敢侮。饘于是，粥于是，以餬余口。其恭如是，吾聞聖人之後，雖不當世，必有達者。仲尼年少好禮，其達者歟？吾即沒，若必師之。

辛亥二十有二年春二月癸酉朔日有食之。

欒盈復入于晉，晉人殺欒盈。

盈自楚適齊，晏嬰

字平仲，晏弱之子。

諫齊侯曰：「商任之會，受命

于晉，今納欒氏，將安用之？弗聽。晉將嫁女于吳，齊侯使

析歸父媵之，以藩

車之有障蔽者。

載欒盈及其士，納諸曲沃。盈

夜見胥午

守曲沃大夫。

而告之。

午伏盈而觴曲沃人。樂作，午言曰：「今也得欒孺子何如？」對

曰：「得主而為之死，猶不死也，皆歎有沉者。」爵行，又言：「皆曰：「得主何貳之有？」盈出，徧拜之。」

遂帥曲沃

之甲，因魏舒

繆子，繆獻子。

以入絳。

盈先佐魏絳于下，軍，舒私焉，故因之。

魏氏及

七輿大夫

下軍之屬，注見前。

與之。樂王鮒

諡桓子，晉大夫。

侍于范匄，或

告曰。欒氏至矣。樂王鮒使甸奉晉侯如固宮。宮之有臺觀備守者。

國語作襄公之宮。使鞅迎魏舒。則成列。既乘。將逆欒氏。鞅趨進。

曰。鞅之父與二三子在君所矣。使鞅逆吾子。鞅請驂乘。

遂超乘。右撫劔。左援帶。命驅之出。僕請。鞅曰。之公既至。

句逆諸階。執舒手。賂之以曲沃。使斐豹殺欒氏之力臣。

督戎。斐豹。隸也。著于丹書。謂范句曰。苟焚丹書。我殺督戎。句許之。豹遂擊殺督戎。欒氏乘公

門。鞅用劔以帥卒。欒氏退。攝車從之。欒盈奔曲沃。晉人

圍而克之。盡殺欒氏之族。惟欒魴欒氏族出奔宋。

齊侯伐衛。遂伐晉。

齊侯伐衛。將自衛伐晉。晏嬰曰。君恃勇力以伐盟主。若

不濟。國之福也。不德而有功。憂必及君。崔杼亦諫弗聽。



遂伐晉取朝歌

注見前初為衛邑後為晉有

為二隊入孟門

注見前登

太行

述征記太行山首始河內北至幽州凡百嶺連亘十三州之界有八陁其二曰太行陁元和志太行

陁在懷州河內今河內縣屬河南懷慶府春秋晉地

張武軍于熒庭

注見前

成郭

邵

左傳注

封少水

即澮水有二源一出翼城烏嶺山一出絳縣東北至曲沃縣合流入于汾

以報平陰之役師還復襲莒

門于且于

莒地在今沂州府莒州傷

股而退華還

即華

杞殖

即杞梁

載甲夜入且于之隧明日

遇莒子于蒲侯氏

左傳注近莒之邑

莒子鼓之獲杞梁莒人行

成齊侯歸

禮記檀弓齊莊公襲莒于奪杞梁死焉其妻迎其柩于路而哭之哀莊公使人弔之對曰

君之臣不免于罪則將肆諸市朝而妻妾執君之臣免于罪則有先人之敝廬存君無所辱命

穀洛鬪

穀水出河南府澠池縣穀陽谷東流合澗水至洛陽縣西南入洛洛水注見前韋昭國語注兩水合

有似于鬪洛在王城南穀在王城北王靈王時穀水盛出于王城之西而南流入于洛

穀洛二水鬪將毀王宮王欲壅之太子晉諫曰不可晉  
聞長民者不墮山不崇藪不防川不竇澤是以民無夭  
昏札瘥之憂饑寒乏匱之患故上下能相固以待不虞  
古之聖王唯此之慎今吾執政無乃實有所避違也而  
滑音川亂也夫二川之神使至于爭明以妨王宮王而飾之  
無乃不可乎王卒壅之

壬子二十有三年鄭伯朝晉

先是晉人徵朝于鄭鄭少正公孫僑以辭却之

事在王二十一年

于時晉范匄爲政諸侯之幣重鄭人患之故鄭伯如  
晉公孫僑寓書于公孫夏以告范匄曰子爲晉國四鄰  
諸侯不聞令德而聞重幣僑也惑之僑聞長國家者非



無賄之患而無令名之難。夫諸侯之賄。聚于公室。則諸侯貳。若吾子賴之。則晉國貳。諸侯貳。則晉國壞。晉國貳。則子之家壞。將焉用賄。象有齒以焚其身。賄也。范句說。乃輕幣。是年魯叔孫豹如晉。范句問曰。古人有言曰。死而不朽。何謂也。對曰。豹聞之。太上有立德。其次有立功。其次有立言。雖久而不廢。此之謂不朽。

秋七月甲子朔。日有食之。既。

八月癸巳朔。日有食之。

齊人來城邾。

注見前。

魯叔孫豹入聘。

是時穀洛鬪。王城毀。齊人方叛晉。欲求媚于王。乃爲王城邾。魯叔孫豹來京師聘。且賀城。王嘉豹有禮。賜之大路。

丑癸二十有四年齊崔杼弑其君光。

崔杼取棠公

棠邑大夫

之妻姜氏

棠公妻東郭偃之姊東郭偃臣崔杼棠公死偃御杼

以弔杼見棠

姜美遂取之齊侯通焉驟如崔氏以杼之冠賜人杼因

是欲弑齊侯且以說于晉

齊侯方叛晉

未獲間會莒子朝于

齊饗諸北郭杼稱疾不視事齊侯問杼疾遂從姜氏姜

入于室與杼自側戶出齊侯拊楹而歌門閉甲與齊侯

踰墻走射之中股反隊遂弑之

賈舉州綽邴師公孫放封具鐸父襄伊僕堙皆

死視佗父祭于高唐至復命不脫弁而死申晏嬰立于

崔氏之門外門啟而入枕尸股而哭興三踊而出

人謂杼殺

之杼曰民之望也舍之

杼立靈公子杼曰而相之

初魯叔孫僑如奔齊納其女于

靈公生杼曰

慶封

字子家慶克子公子無虧孫

為左相盟國人于大



晏嬰固有可取者然既與  
盟又游其詞尤雖失德獨  
非其君哉如云不與其禍  
為是則太史氏之書為非  
歟

宮。太公廟。曰所不與崔慶者。晏嬰仰天歎曰。嬰所不惟忠

于君。利社稷者是與。有如上帝。乃歆。太史書曰。崔杼弑

其君。杼殺之。其弟嗣書而死者二人。其弟又書。乃舍之。

南史氏聞太史盡死。執簡以往。聞既書。乃還。杼葬莊公于土孫之

里。四嬰不蹕下車。注見前本時晉侯方會諸侯于夷儀。邢地後衛

滅邢。為伐齊以報朝歌之役。齊人以莊公說使隰鉏。曾

孫請成。慶封如師以重賂。賂晉侯以宗器樂器自六正

長。師旅及處。晉侯許之。而告于諸侯。初。杼生子成及疆

而寡。偏喪曰寡。寡特也。娶東郭姜。生明。因立明而使東郭偃棠

無咎。棠公子。姜所出。相之。廢成及疆。二子怒。欲殺偃。無咎以告

慶封。封曰。難。吾助汝。成與疆遂殺偃。無咎。杼怒。往見慶

封。封曰：崔慶一也。是何敢然？請為子討之。使盧蒲癸帥甲以攻崔氏，弗克。使國人助之，遂滅崔氏，殺成及疆而盡俘其家。東郭姜縊，癸反命于杼，且御以歸。至則無歸矣。杼乃縊。崔明夜辟諸大墓，開先人冢藏之。奔魯。事在王二十六年。慶舍之難，事具王二十七年。齊人求得杼尸，戮之于市，改葬莊公于北郭。

吳子遏即諸樊。伐楚，門于巢卒。

初，楚公子嬰齊伐吳。使鄧廖以組甲三百，被練三千，侵之。吳人要而擊之。

獲楚鄧廖。楚能免者，組甲八十，被練三百而已。事在王二十二年。自是吳楚兵爭不

息。王十二年，楚共卒。吳伐楚，喪楚敗之庸浦。明年，楚公子貞伐吳，吳敗之皐舟之隘。至二十三年，楚子為

舟師以伐吳，無功而還。庸浦，楚地，在今廬州府無為州南。皐舟之隘，左傳注：吳險阨之道。吳復召



舒鳩。舒國。偃姓。今江南廬州府舒城縣有舒鳩城。羣舒之一。使叛楚。楚令尹屈建

屈到子。伐舒鳩。吳人救之。楚大敗吳師。遂滅舒鳩。先是

五年。楚滅舒蓼。簡王十二年。楚滅舒庸。及舒鳩滅羣舒遂絕。至是。吳諸樊伐楚。門于

巢。注見前。巢牛臣曰。吳君勇而輕。若啟之。將親門。我獲射

之。必殪。從之。吳子門焉。牛臣隱于短牆以射之。諸樊卒。

授國餘祭。後餘祭被弑。吳伐越。獲俘焉。以為闔閭。使守舟。餘祭觀舟。闔以刀弑之。弟

餘昧立。

甲寅二十有五年。衛甯喜。卽悼子。弑其君剽。衛侯衎復歸于衛。

初甯殖疾。召其子喜曰。吾得罪于君。悔而無及。名藏在

諸侯之策。曰。孫林父甯殖。出其君。君入則掩之。若能掩

之。則吾子也。喜許諾。事在王十九年。至是衛侯衎在夷儀。晉使媿舒

不敢問君之出遂行不敢  
聞其入亦遂行伯玉固賢  
乎則長樂老亦不可謂過  
矣

逆獻公于齊將使衛與之夷儀獻  
公遂入于夷儀事在王二十四年使其母弟鱣字子謂

喜曰苟反政由甯氏祭則寡人喜告蘧瑗瑗曰瑗不得

聞君之出敢聞其入遂行從近關出告右宰穀右宰穀

不可喜曰吾受命于先人不可以貳時孫林父在戚孫

嘉聘齊孫襄

即伯

居守

嘉及襄皆  
林父子

喜與右宰穀攻孫氏

不克喜出舍于郊伯國傷而  
死國人召喜喜復攻之遂克弑殤公殺其子角衛侯遂

入孫林父入于戚以叛衛人伐戚林父愬于晉晉戊茅

氏

左傳注  
戚東鄙

殖綽

齊人  
在衛

伐茅氏殺晉戊三百人

孫蒯追之  
敗諸圍雍

鉏獲

晉趙武會魯侯及諸侯之大夫于澶淵

亦曰繁淵  
今謂之澶

州陂在直隸大名府開州  
西南古澶水所經故名

討衛疆戚田取衛西鄙懿氏

六十

左傳注戚城西北有懿城因姓以名城取  
田六十井也今開州西北有故懿城址

以與孫



氏衛侯如晉晉執而囚之衛人歸衛姬于晉乃釋衛侯

衛侯既歸甯喜專公孫免餘衛大請殺之遂攻甯氏殺

喜及右宰穀尸諸朝初太叔儀聞喜將納衛侯曰甯子

舉棋不定不勝其耦況置君而弗定乎必不免矣九世

之卿族一舉而滅之可哀也哉至是果敗太叔儀諡

文子衛文公子鱄出奔晉鱄曰逐我者出納我者死賞

公之孫之遂奔晉公使止之不可托于木門不向衛國而坐木

門大夫勸之仕曰吾不可以立于人之朝矣終身不仕

事在王二十六年木門晉邑

乙卯二十有六年晉趙武楚屈建魯叔孫豹蔡公孫歸生衛

石惡石買子陳孔奐鄭良霄許人曹人盟于宋

宋向戌善于晉趙武又善于楚令尹屈建欲弭諸侯之

兵以為名如晉告趙武武以韓起言許之如楚楚亦許

春秋至魯襄末列國之困  
於兵甚矣合晉楚之成藉  
以稍緩生民之塗炭故盟

宋以後兵雖未能盡弭而中國無大侵伐者幾十年不可不謂之小有功穀梁以為晉趙武楚屈建之力而不知亦向戌之力也後儒乃以二伯為戍罪可謂虐古

之遂如齊且告于秦皆許之乃徧告于諸國為會于宋

晉趙武先至宋宋人享之諸侯之大夫及邾滕之君先

後至丙午鄭良霄至戊申魯叔孫豹齊慶封陳須無衛

公至石惡至甲寅晉荀盈至丙辰邾悼公至戊辰滕成

文子敬仲曾孫楚公子黑肱即子哲成言于晉宋向戌

如陳從令尹子木成言于楚成晉楚盟載之言兩相然可楚屈建至自陳

陳孔奭蔡公諸侯從晉楚者釋齊秦交相朝見子木謂

孫歸生亦至晉楚之從交相見也向戌復趙孟趙孟曰晉楚齊秦匹

也楚若能使秦君辱于敝邑寡君敢不固請于齊向戌

復子木子木使駟謁諸王王曰釋齊將盟伯夙謂趙孟

秦他國請相見也故齊秦不與盟難楚人衷甲趙武患之羊舌肸曰以信召人而以僭信

也濟之必莫之與也安能害我乃盟齊人請邾宋人晉

楚爭先羊舌肸謂趙武曰子務德無爭先且諸侯盟小



樂喜之言自是經國正論  
腐儒不知乃云恐貽佳兵  
者言實真醢雞之見耳

國固必有尸盟者。小國主辦具。乃先楚人盟于宋蒙門之外。

諸侯之大夫歸。宋向戌請賞宋公與之邑以示樂喜。司

城子罕。喜曰。天生五材。民並用之。廢一不可。誰能去兵。

兵之設久矣。所以威不軌而昭文德也。聖人以興亂人

以廢。廢興存亡。昏明之術。皆兵之由也。而求去之。不亦

誣乎。向戌乃辭邑。

冬十有二月乙亥朔。日有食之。

丙辰。二十有七年。齊慶封奔魯。

慶封與子舍政。舍字子之。封當國。不遷其內。實于盧蒲。

嫫氏。易內而飲酒。國遷朝焉。諸大夫就盧蒲氏朝封。反亡人。莊公之難。

出奔。盧蒲癸。癸臣舍。有寵。舍妻之。舍之士謂癸曰。男女辨姓。子不辟宗。何也。

阿睦爾撒納所娶德勒克  
多爾濟者達什之女而阿  
睦爾撒納之妹庫克又為  
達什子諾木庫之妻當阿  
睦爾撒納欲吞噶達什部  
落時而殺之德勒克多爾  
濟及庫克皆預謀此與盧  
蒲姜情事正同則是春秋  
列國之人已有淮夷衰世  
之行矣

癸曰。賦詩斷章余取所求焉惡識宗慶與盧蒲皆齊之宗故舍之士云。癸言王何而反之。

二人皆嬖。二人皆莊公故臣今還求使執寢戈。親近而

先後之。二人因謀攻慶氏。卜之。示舍兆曰。或卜攻讐。敢

獻其兆。舍曰。克見血慶封。田于萊。節經注盧蒲姜。癸妻

舍知癸謀。謂癸曰。夫子愎莫之止。將不出。我請止之。癸

曰。諾。時當嘗于大公之廟。慶舍蒞事。盧蒲姜告舍。且止

之。弗聽。曰。誰敢者。遂如公。盧蒲癸王何執寢戈以從。遂

殺慶舍于廟。慶封歸。遇告亂者。伐門而入。攻公宮。弗克。

請戰。弗許。乃奔魯。封獻車于季武子美澤可以鑑展莊

展禽族。叔見之曰車甚澤人必瘁宜其亡也既而齊人讓魯。封奔吳。吳與之朱方。今江南

丹徒縣。吳封聚族而居焉。封富于其舊魯子服惠伯謂



富矣。穆子曰：善人富，謂之賞；淫人富，謂之殃。天其殃之也。其將聚而殲旃？子服惠伯、仲孫蔑、子它，別為子服氏。惠伯，它之。後，楚子伐吳，殺慶封而盡滅其族。事詳後。

王崩。諡曰靈。京在河南城西南。栢亭，西周山上。太子晉早卒。次子貴立。是為景王。

景王

己巳元年。吳子使札聘于魯及齊、鄭、衛、晉。

札至魯，請觀周樂。歌周南、召南、列國之風、小雅、大雅，及頌、舞、象、箏、南、籥、大武、韶、濩、大夏。至

韶、箏。札曰：德至矣哉！大矣，如天之無不幬也；如地之無

不載也。觀止矣！若有他樂，吾不敢請已。札見叔孫豹而

說之，謂曰：君子務在擇人。子為魯宗卿，而任其大政，不

慎舉，何以堪之？遂聘于齊，說晏嬰。謂曰：子速納邑與政，

乃免于難。是了。因陳桓子納邑與政，遂免樂高之。及鄭

難事見後。

陳桓子名無宇，文子之子。

聞樂知政，不過于聲容之際，得其想像而已。何季札觀樂，歷論不爽分毫，然此猶事後之言。至其聘諸國，交納名卿，料事幾先，若合符契，詳多傳會，左氏所以失誣也。

見公孫僑如舊相識。與之縞帶子。產獻紵衣焉。謂曰：鄭之執政侈，謂伯

有難將至矣。政必及子。子為政，慎之以禮。不然，鄭國將

敗。適衛，說蘧瑗。史狗。史朝之子。諡文子。史鮪。即史魚。公子荆、公子

朝。皆衛大夫。公叔發。獻公孫。諡文子。曰：衛多君子，未有患也。自衛如

晉，將宿于戚。孫林父邑。聞鐘聲，曰：異哉！夫子獲罪于君，以在

此。林父以戚叛。猶燕之巢于幕上，君又在殯。獻公方卒。而可以樂

乎？遂去之。林父聞之，終身不聽琴瑟。適晉，說趙武、韓起。魏舒曰：晉國

其萃于三族乎？說羊舌肸，將行，謂之曰：君侈而多良，謂多

以惡人為良而善之。大夫皆富，政將在家。吾子好直，必思自免于

難。

戊午二年，蔡世子般。音班。弑其君固。文公。子景公。



蔡侯爲太子般娶于楚。通焉。般弑。蔡侯遂自立。是爲靈公。立十

二年。爲楚靈王所殺。事具後。

宋災。伯姬。魯宣公女。宋共公夫人。卒。

宋火災。火及伯姬之舍。左右曰。夫人少避火乎。伯姬曰。婦人之義。傅母不在。宵不下堂。左右又曰。夫人少避火乎。伯姬曰。婦人之義。保母不在。宵不下堂。遂逮乎火而死。既葬。諡曰共。

王殺其弟佖夫。靈王子。王子瑕奔晉。

初。王儋季。靈王弟。卒。其子括將見王而歎。單公子愆期。靖

公之弟。爲靈王御士。過諸廷。愆期行過王廷。聞其歎而言曰。烏乎。

必有此夫。欲有此朝廷之權。入以告王。且曰。必殺之。不感而願。

大視躁而足高。心在他矣。不殺必害。王曰：童子何知？及

靈王崩，儋括欲立王子佞夫。佞夫弗知，儋括圍焉。為邑

注見逐成愆。為邑大夫成愆出奔。尹言多。尹氏劉毅。劉子甘

過。子帶食邑于甘。今河南府洛陽縣。故甘城是。甘過。甘簡公子。諡悼公。單蔑。單子鞏成。鞏伯

食邑于鞏。今河南府鞏縣是也。殺佞夫。王子瑕奔晉。儋括及廖同奔。

鄭以公孫僑為政。

鄭良霄嗜酒，為窟室。地室也。而夜飲，朝至未已。既而朝，使

公孫黑。即子皙。子駟子。如楚。先是伯有使黑如楚。黑以楚鄭方惡辭。伯有不可。黑怒，欲攻伯有。大

夫和之事。歸而飲酒。公孫黑以駟氏之甲伐而焚之。良

霄奔雍梁。今河南開封府禹州。有雍城。即鄭雍梁地。醒而後知之。于是鄭大

夫皆受盟于駟氏。良霄聞之，怒，自墓門。鄭城門。之瀆入介



孔子以子產為古之遺愛  
而稱其使民則曰義今觀  
其初政固非以煦煦為愛  
者矣惟能行其義所以卒  
成其愛不然民之不慢者  
幾何

于襄庫伐舊北門駟帶

公孫夏之子字子上

率國人以伐之良霄

死于羊肆公孫僑穉之

殯而葬諸斗城

鄭邑在今開封府陳留縣馬

氏欲攻之罕虎

即子皮之子

不許而授僑以政僑辭曰國

小而偏族大寵多不可為也虎曰虎率以聽誰敢犯子

子善相之僑為政使都鄙有章

國都及邊鄙尊卑各有分部

上下有

服

公卿大夫服不相踰

田有封洫

封疆洫溝也

廬井有伍

廬舍也九夫為井使五家

相保

謂卿大夫

之忠儉者從而與之泰侈者因而斃之

一年與人

衆人也

誦之曰取我衣冠而褚

畜而藏也

之取我田

疇而伍之孰殺子產吾其與之及三年又誦之曰我有

子弟子產誨之我有田疇子產殖之子產而死誰其嗣

之

鄭人游于鄉校以論執政然明曰毀鄉校如何子產曰何為夫人朝夕退而游焉以議執政之善否其所

善者。吾則行之。其所惡者。吾則改之。是吾師也。若之何。  
毀之。子皮欲使尹何為邑。子產曰。少。未知可否。子皮曰。  
愿。吾愛之。使夫往而學焉。夫亦愈知治矣。子產曰。不可。  
僑聞學而後入政。未聞以政學者也。若果行此。必有所  
害。然明。後公孫黑將為亂。而代其位。以疾作不果。僑  
即醜蔑。使吏數之。數其罪。曰。女有亂心。無厭國。不女堪。不速死。大  
刑將至。黑乃縊。僑尸諸衢。加木焉。書罪于木。以加尸上。事在王五年。

未<sup>P</sup>

三年。魯侯午卒。子稠立。

是為昭公。

魯襄公卒于楚宮。

先是公作楚宮。叔孫豹曰。君欲楚也。夫若不復適楚。必死是宮也。至是卒

于宮。子野立。

敬歸之子。

以毀卒。

過哀滅性。

季孫宿乃立稠。

敬歸娣之子。

于

是年十九矣。猶有童心。

居喪不衰。比及葬。三易衰。

識者知其不能終

焉。

魯襄公卒之月。鄭公孫僑相鄭伯如晉。晉侯以魯喪未見。僑使盡壞其館之垣。而納車馬焉。士句讓之。對

曰。敝邑褊小。介于大國。誅求無時。是以不敢寧處。悉索敝賦。以來會時事。逢執事之不閒。而未得見。不敢輸幣。



亦不敢暴露。今諸侯之館。門不容車。而不可踰越。盜賊公行。而天厲不戒。賓見無時。命不可知。若又勿壞。是無所藏幣以重罪也。敢請執事。將何所命。士刲復命。趙武曰。信。使句謝不敏。晉侯見鄭伯。有加禮。厚其宴好而歸之。乃築諸侯之館。

庚申

四年。晉趙武。楚公子圍。

楚共子。

齊國弱。

諡景子。國佐子。

宋向戌。魯

叔孫豹。衛齊惡。

公羊作石惡。

陳公子招。

陳哀公母弟。

蔡公孫歸生。鄭

罕虎。許人。曹人。會于虢。

故東虢國。後為鄭滅。

楚公子圍聘于鄭。且娶于公孫段。

即伯石。穆公子子豐之子。氏為介。

將入館。鄭使行人子羽與之言。乃館于外。既聘。將以衆逆。子羽使子羽辭焉。伍舉知鄭有備。乃請垂橐而入。伍舉伍參子亦曰椒。舉子羽即公孫揮。遂會于虢。尋宋之盟也。圍請用牲。

讀舊書。加于牲上而已。晉人許之。

先是莒展與弒其君犁比公而自立。既而

齊納其弟去疾于莒。展與奔吳。于是莒亂。季孫宿取鄆。至是莒愬于會。楚欲戮魯使。趙孟為魯固請。乃免叔。

犁比公名州密

渠邱公季佗子

王使劉子。劉定公名夏勞趙武于潁。

注見前館于洛汭。亦見前

劉子曰。美哉禹功。明德遠矣。微禹。

吾其魚乎。吾與子弁冕端委以治民。臨諸侯。禹之力也。

子盍亦遠績禹功。而大庇民乎。對曰。老夫罪戾是懼焉。

能恤遠。吾儕偷食。朝不謀夕。何其長也。劉子歸。以語王。

曰。諺所謂老將知而耄及之者。其趙孟之謂乎。為晉正

卿。以主諸侯。而儕于隸人。朝不謀夕。棄神人矣。何以能

久。是年冬。趙武卒。

晉荀吳

中行偃之子。諡穆子。

敗狄于大鹵。

即太原。注見前。

晉荀吳敗無終。

注見前。

及羣狄于太原。崇卒也。

此毀車用卒之始。

將戰。魏舒曰。彼徒我車。所遇又阨。以什共車。

左傳注。十人以當一。



車戰雖古制在平原或資其利至于山林藪澤已非所宜况當險阨耶苟吳舍車用徒誠能審地利以制勝後儒或以變古議之迂矣

車之必克困諸阨又克請皆卒自我始毀車以為行其毀用車為五乘為三伍趙氏恒曰車每乘三人五乘為十五步陳今五人為伍三五亦一十五也此言用卒荀吳之嬖人不肯即卒斬以徇為五陳以相離左傳之法疏布陳使兩于前伍于後專為右角參為左角偏為前拒趙氏恒曰司馬法五十乘為兩百二十乘為伍八十乘為專二十九乘為參二十五乘為偏皆準車數多少以為名今雖用卒猶襲車乘之名也此言布陳之法以誘之狄人笑之未陳而薄之大敗之

楚子麇卒公子比楚共子奔晉圍自立

楚公子圍將聘于鄭伍舉為介未出境聞楚子有疾而

還伍舉遂聘圍至入問楚子疾縊而弑之左傳注楚以瘡疾赴故不

弑殺其二子慕及平夏公子比奔晉葬楚子于郟今河南汝

州郟縣春秋謂之郟敖圍遂卽位易名熊虔楚靈後伐

吳執齊慶封徇于軍中曰有若齊慶封弑其君者乎慶

封曰子一息我亦且一言曰有若楚公子圍弑其兄之

子而代之為君者乎軍人粲然皆笑事在王七年

辛酉五年晉使韓起聘于魯

起聘魯且告為政代趙武為政觀書于大史氏見易象上下經之

象與魯春秋用周公之法書魯國之事故曰魯春秋曰周禮盡在魯矣吾

乃今知周公之德與周之所以王也

癸亥七年楚子蔡侯陳侯鄭伯許男徐子滕子頓子胡子今

南潁州府阜陽縣有沈子今河南汝寧府汝陽縣有沈亭春秋沈國小邾子宋

世子佐淮夷會于申楚子專會諸侯始此



楚子使椒舉即伍舉如晉求諸侯晉侯欲勿許司馬侯即女齊

齊亦曰言于晉侯晉侯曰晉有三不殆國險而多馬齊女叔侯

四嶽三塗陽城大室荆山中南九州之險也是不一姓楚多難何鄉而不濟對曰是三殆也

多難以固其國啓其疆土或無難以喪其國失其守宇若何虞難四嶽岱華衡恒三塗山名注具見前陽城

亦山名在河南府登封縣東北一曰馬嶺山大室即嵩山在登封縣北其西為少室荆山在湖北襄陽府南漳

縣西禹貢荆豫二州以此分界中南即終南山在西安府長安縣南雍錄終南山橫亘關中南面西起秦隴東

徹藍田蓋八百餘里請許楚使乃許之諸侯如楚楚子合諸侯于

申椒舉曰臣聞諸侯無歸禮以為歸今君始得諸侯其

慎禮矣楚子使問禮于宋向戌鄭公孫僑戊獻公合諸

侯之禮六宋公爵故獻公合諸侯之禮僑獻伯子男會公之禮六鄭

爵故獻伯子男見公之禮楚子使椒舉待于後以規過卒事不規問

其故對曰。禮。吾未見者六焉。戊與僑所獻禮。楚皆未嘗行。又何以規。

楚子示諸侯侈。椒舉諫弗聽。公孫僑見向戌曰。吾不患

楚矣。汰而愎諫。不過十年。戌曰。然。不十年侈。其惡不遠。

惡遠而後棄善。亦如之。德遠而後興。是會楚執徐子。以吳出也。于是伐吳。

遂滅賴。遷之鄢。

鄭作邱賦。左傳注。邱。十六井。當出馬一匹。牛三頭。今鄭子馬牛之外。別賦其田。

鄭公孫僑作邱賦。國人謗之。渾罕即游速字子寬。子太叔子。以告僑。

曰。苟利社稷。死生以之。何恤于人言。吾不遷矣。渾罕退。

曰。國氏其先亡乎。君子作法于涼。薄也。其敝猶貪。作法于

貪。敝將若之何。後二年。僑鑄刑書。左傳注。鑄刑書于鼎。以為國之常法。晉

羊舌肸詒之書曰。吾子相鄭國。作封洫。事見前。立謗政。即謂



邱制參辟鑄刑書參音三謂用三代之末法以鑄刑書將以靖民不亦難乎。

甲子八年魯舍中軍左傳注罷中軍季孫稱左師孟孫為右師叔孫氏自以叔孫為軍名

初作二軍三分公室而各有其一季氏盡征之無所入于公

叔孫氏臣其子弟以父兄歸公孟氏取其半焉復以子弟之半歸公及

其舍之也四分公室季氏擇二二子各一皆盡征之而

貢于公。

楚子蔡侯陳侯許男頓子沈子徐人越人夏少康封庶子于會稽以奉禹祀

周初受封為不成子言不能成子也至勾踐始大築山陰城而都之今浙江紹興府治是伐吳。

楚子以諸侯及東夷伐吳遠射夫楚大以師會于夏汭漢水

入江之處即今漢口也在越大夫常壽過會楚子于瑱湖北漢陽府漢陽縣東

春秋彙纂注。瑣楚邑。在江南壽州霍邱縣東。霍邱今屬潁州府。聞吳師出。遠啟疆。楚太

帥帥從之。還。不設備。吳人敗諸鵲岸。今江南池州府銅陵縣有鵲頭山。沿

江而下。有鵲尾洲。故遠射之師。先入南懷。楚師從之。及

汝清。春秋彙纂注。南懷。汝清。皆楚界。在今江淮間。吳不可入。遂還。

九年。齊侯伐北燕。注見前。

初。北燕伯簡公名欵多嬖寵。欲去諸大夫而立其寵人。燕大

夫比諸大夫相比以殺諸外嬖。北燕伯懼。奔齊。事在王六年至是

齊侯請于晉伐北燕。將納伯。晏嬰曰。不入。燕有君矣。民

不貳。吾君賄。左右諂諛。作大事不以信。未可也。明年燕

及齊平。齊侯取賂而還。後高偃以師納之于陽。左傳作唐。燕別

邑。今直隸保定府唐縣有故城。即春秋陽也。事在王十五年。



丙寅十年夏四月甲辰朔日有食之。

衛侯惡卒。

衛襄公卒。

夫人姜氏無子嬖人嬖始生子孟縶及元縶足不良弱行。孔圉乃立元是為靈公。孔圉諡

文子。孔達五世孫。

告喪于王。王使成子簡公。

如衛弔且追命襄

公曰。叔父陟恪在先王之左右。以佐事上帝。余敢忘高

圉亞圉。

周之祖。系見前。左傳疏。二圉並為殷諸侯。受殷王追命。

丁卯十有一年。楚師滅陳。

初陳侯

哀公。元妃鄭姬生太子偃師。二妃生公子留。下

妃生公子勝。留有寵。屬諸司徒招。與公子過。

招及過皆哀公弟。

陳侯有廢疾。招與過殺偃師而立留。陳侯縊于徵師。

陳大夫。

赴于楚。且告立君。公子勝愬之于楚。楚殺于徵師。留



奔鄭。招歸罪于過而殺之。于是楚公子棄疾帥師圍陳。

遂滅陳。執招放之于越。殺孔魚。招之黨以穿封戌為陳公。

滅陳為縣。使戌為縣公。陳興發袁克殺馬毀玉以葬哀公。晉侯問于史趙曰。陳其遂

亡乎。對曰。未也。陳顓頊之族也。陳祖舜。左氏以舜出虞

已詳前。茲不再錄。歲在鶉火。是以卒滅。顓頊以水德。歲在鶉火而滅。火盛而水滅也。

陳將如之。今在析木之津。箕斗之間有天漢。故謂之析木之津。猶將由之。

由。用也。言將復用更興。且陳氏得政于齊。而後陳卒亡。陳繼守將

在齊。其兆既存矣。後楚平即位。陳遂復事具後。







